



何太虛文集序

夫言之秩然次序條理者謂之文文無待於

作也後之人

口之所言雜亂無紀則七締構於思撰造其辭而若筆之

於簡牘古人雖不作文孔子嘗云辭達而已矣此固作文

之大法也而奈何作者之不知此哉東漢以來氣弱體卑

無復有善作者至于今殆千餘年唐宋盛時號為追蹤先

漢而僅見韓柳歐陽曾王二蘇七人焉若李習之若唐子

西若張文潛非不遊韓蘇之門而竟未與韓蘇合一也茲

事豈可易視哉表弟何中太虛少負逸才弱冠已能詩而

亦用意於文至順二年春予卧病顧予於病中授以大集

予讀之蓋優，升七子之堂矣。予不勝其喜，非私喜也。喜斯學之不孤也。斯學也，雖非儒者之本務，而其格力之高，下實氣運之盛衰，關係又豈小哉！我病餘倦於書，然喜之，之不極為書，其後而還其橐，前翰林學士資善大夫知制誥同脩國史草廬吳激伯清序。

臨川何中能言知讀書咸淳壬申甫髫隨父仕廣東曲江乙亥出嶺至元丙子僑居寧都隱避浮寄者三年己卯始從師問學師宋進士張枌方朱光甫羅士鼎於前輩屢嘗親劉會孟識謝君直姚端夫王肯堂交并詠之程鉅夫李士弘元復初揭傒斯全止所當世知名士多友善於吳伯清為姻兄弟云至大戊申如析津皇慶癸丑適東甌所著易類象二卷書傳補通十卷通鑑綱目測海三卷通書問一卷吳才老叶韻補疑一卷六書綱領一卷補通六書故三十二卷薊丘述遊錄一卷楮願錄十卷知非堂橐十七卷知非外橐十六卷延祐庚申夏六月朔臨川何中太虛



行善保千金軀別懷不敢訴願步復踟躕  
吳門白日落孤妾悲洞房徙倚無所歸朔風滿羅裳昔為  
春柳陰今作秋菊黃芳景不逮盡愁心與俱長逝者魂魄  
在九京共倘得策、河壯水蕭、天雨霜出門即遠道死  
生永相望

对收

禪家 当作寐

水光合時飛野鴨群娟、前山秀適來何處雲清心欣有  
得澹焉失腥氛道人莫春茗離坐與晤言亦忘此境遂兩  
耳天樂聞何嘗脫世網於焉窮朝曛

菊

我畊不半畝黃花列千叢蕭條變衰時一夕萬里風立孤  
不作難英、異風骨君看墻東客夜寒少霜月  
黃花來何晚及此秋霜繁寄語山外人棄捐我何言幽芳  
具四時要在培深根我來繞花行我道將無存  
菊花如幽人梅花如烈士同居冰雪中標格不相似道里  
阻荒寒故人萬里餘菊枝儻可折特以寄遠書

墨梅

容鬢數尺紙手展墨色鮮江梅發踈花蕭然瞰清川澹月  
掛寒枝孤幽美芳妍豈非五彫後或是標春先日月相往

行善保千金軀別懷不敢訴願步復踟躕  
吳門白日落孤妾悲洞房徒倚無所歸朔風滿羅裳昔為  
春柳陰今作秋菊黃芳景不逮盡愁心與俱長逝者魂魄  
在九京共猶祥象、河壯水蕭、天雨霜出門即遠道死  
生永相望

安上人蘭若

獨尋小蘭若積翠森松筠禽聲悟禪家幽花吐清芬晴日  
水光合時飛野鴨群娟、前山秀適來何處雲清心欣有  
得澹焉失腥氛道人莫春茗離坐與晤言亦忘此境遂兩  
耳天樂聞何當脫世網於焉窮朝曛

菊

我畊不半畝黃花列千叢蕭條變衰時一夕萬里風立孤  
不作難英、異風骨君看墻東客夜寒步霜月  
黃花來何晚及此秋霜繁寄語小外人棄捐我何言幽芳  
具四時要在培深根我來繞花行我道將無存  
菊花如幽人梅花如烈士同居冰雪中標格不相似道里  
阻荒寒故人萬里餘菊枝儻可折特以寄遠書

墨梅

客携數尺紙手展墨色鮮江梅發踈花蕭然瞰清川澹月  
掛寒枝孤幽美芳妍豈非五彫後或是標春先日月相往

還何用悲歲年此花於此時好脩乃獨賢處士窮幽居羈  
臣懷左遷裁詩孤山雪擁僑羅浮烟我今亦何恨仰視空  
青天世俗不貴真共把墨粉傳玄帝雖令嚴此花不俱玄  
于何幻素質物性亦復然夢中如聞香殘更悟醉眠起來  
索梅花寂寞江之壩

讀史

桓、韓將軍當年誰寄目豈無漂母食亦有跨下辱雄劔  
一朝飛舉手拾秦鹿風雷走倏燦乾坤困馳逐滎陽廣武  
間楚漢寄我足王業四百年尺封屢翻覆賞厚豈勢搖功  
成乃身戮所貴英雄人豈甘草中伏誰為後來者感此空

球：舉頭見青天天邊有鴻鵠

羸法四海熱震蕩昏三光雲飛大風起赤子沐清涼當時  
周旋人一轍罹身殃悠悠赤松子不識為何祥千年有崔  
浩前脩特自彰豈知媿所事乃是元家王恐非鳳啣固但  
見鴈求梁伊爾山中人勿棄蘭蕙芳

鼎移炎德燼南陽尚躬畊胸中經濟事感我三顧誠保蜀  
非王基何似田一成顧豈志功名乃欲表忠精煌煌漢家  
業草木豈無情誰知鄴中兒元是漢人生運去身或移事  
往恨難平悠悠梁父吟終古有餘聲

穆山山中

江南有丘壑我生良獨閑  
秋風二三友獨來遊茲山  
山深不見寺但見飛泉寒  
此行西山挾天風鳴珮環  
青烟從何來墮我前林端  
未知有徑否鐘磬猶未殘  
長歌萬谷應仰見數峰攢  
紆餘緣澗入側步寒雲閑  
豁然得空曠聊復解破顏  
殿靜蘚花潤松危鶴聲乾  
僧寶烟數珠相我槃礴觀  
大開雙白眼應接幾青鬢  
徘徊日已晚人間行路難  
猛虎蔽叢薄潛蛟激風湍  
振衣出山去大嘯驚人寰

雜述

姬末既文淑羸疆論九疇  
炎德屹肇基王風逐旦韜  
繼崇禪讓終始還相酌  
忽焉茲道絕魚羊莽齊州  
遙知後來

者亦典豐沛儔荒哉結繩初  
爾來幾千秋大化不停運  
有生涉其流此時偶際會  
昔射苑頭

天龍地用馬健順理亦宜  
誰於其兩間赤手握陰机  
東門一長嘯四海皆驚迷  
向來種桃李此去當何之  
悠黃唐遠來者邈難期  
龍逝白雲征馬輕九坂馳  
行馬上即萬里長風吹不  
見長江邊折盡楊柳枝

月露桂木植桐枯鳳來遲  
高舉不顧返尚念榮典哀  
全身古所貴迹名亦何為  
自昔青門人不識東陵時  
天地始一息人道乃如斯  
昭文已無琴默典萬化齊  
但酌一樽酒得醉聊自怡



蕭蕭白楊風依坎井烟曠哉上下宇逝者不待年彼隴  
亦何祥一日幾新阡誰招舉某復遙哭送九泉高樓當西  
日落花滿寒川流浪曠劫間彭殤俱可憐漢陵春蕭瑟回  
首尚交遷萬古一起滅此意何茫然

至人守玄宅寸虛莫能傾俯觀萬化机寓化亦寓生道去  
終不復行葦有餘聲帝者獨何居混沌無聰明培風高馳  
翔冥亂雲擁周流駕言旋夜寒烟霧重身如江湖搏虺  
落豈無用歸來無何鄉三珠倚孤夢

夜久

夜久散微步珠露空盈襟蕭條川氣高慘淡浦色侵河橫

星漸轉露厚小將沉鳴虫促繁響蜚螢亂寒陰時物遂如  
此惻愴抱寸心天將落月本何當渡東臨乾坤入冥漠象  
竅酣哀音欲令萬夢覺離憂獨難任商歌浩忘疲俯仰情  
適還忽聞鷄聲起左右風滿林

讀晉史

林踈暑風劇聽戶珠未凉悠然倦不力吾我已俱忘眼醒  
見周秦眼醉遊軒黃日月山外過興廢枕中箴振衣起長  
嘯六合何軒昂斯人縱高視旁皇復旁皇於焉讀晉史感  
激係中腸言不能已自笑已如狂  
哀榮無盡變俯仰還相推陳留既作賓何如山陽時中都

血流杵江左中興基不待卯金刀羸疆呂已移天道巧相  
復人理固易知巢由邁高躅今古無還期

天地一虛器所寄在斯人人能主天地豈不貴我身嗟哉  
嵇阮輩酒鄉為隱淪朝醉既及暮、醉還及晨躰飲或稱  
建喪 廼名真獨善諒非計况此國与民被髮祭伊川豈  
不在諸臣平陽有餘恨千載同悲辛

蟄龍臥滄淵瑞鳳栖蓬海悠々接輿歎千古消光彩出處  
酌其宜勿為世所駭預人家國事此身固有在嗣宗濟世  
心無為著達莊叔夜明養生東市授琴傷一出与一處徒  
能決藩牆淳風竟不返二子俱忘羊汲郡蘇門山其人遊

何鄉我欲振奇翮碧宇追翱翔

高平釋時論魯褒錢神篇晉轍固難挽猶勝談虛玄夷甫  
晚良悔將死復何言誰登平乘樓尚能議諸賢老莊異端  
學真合歸自然蕭曹相業大文景王道便尊尚本非異興  
衰由此遷信知浮論者亡國有餘愆

江左二百年立國初何恃中夜荒鷄鳴天地皆英氣枕戈  
劉越石擊楫祖士稚如此中原間端能了公事局促并豫  
州奇功中道墜烏乎二豪雄本為宗社計異類禽獸心推  
議諒非意石死故可哀稚則吾何議徒懷墟墓間還念全  
行祀誰令若思來後代常歎歎

兩賢不相厄王度乃如斯天步政多艱此豈私憤時東山  
謝安石造次威鳳儀三賢抱宏器繼出相等夷風流文雅  
盡同惟世所推但恨立朝間典禮殊未施玄談竟澆俗送  
臣終亂階湯武肇王業伊周垂綱維桓景彰伯道管晏橫  
要規古人不作遠所立百世師奈何民具瞻退食徒委蛇  
卜世固天定欲責當誰歸

春風滿南國公子爭為歡錦繡少花艷珊瑚耀日寒美人  
佩蘭麝駉馬馳雕鞍酣歌金谷迥咲舞涼臺寬一朝化為  
血付與來世嘆人國亦如此榮落朝夕看悠々勸進者端  
似墜樓難

填石詎滿海膠杯誰能舟我豈不知我量力乃哲謀有才  
比管葛感奮為武侯保身慕夷齊靜退淵明儔物亦非所  
忘名亦非所求北憲義皇上東籬晉宋秋零陵一杯酒終  
古屬斯愁

### 秋雨

昔者三月晴厚地裂欲墮積此一月雨厚地融欲糜不知  
穹々者若此何以為陰陽相鑿柄自怒還自怡風吹黍稷  
黑下方人怨咨怨咨猶尚可實自地難持我有斲菜鏡于  
以待朝飢有聲不敢吐坐看松雲垂

### 偶書

桐寒葉落風菊淨  
花開雨掩映半畦  
秋好竹三四五對  
此  
憔悴人忽笑不復語

掩卷

掩卷如鬱鬱、鬱鬱、亦何似野人每多憂不悟本無事仰觀  
千載前去者極所詣俯期千載後來者邈難至惟我於其  
間欲策無名驥出門萬里遠寸挽何能至山空白雲合日  
黑野風駛獨點已如瘖間送飛鴉墜

次羅士昂韻別羅以通

桐花滿天地鳳衰竟何鳴豈無双練翼誰與相目成山長  
迴風駛道暗浮雲征孤飛良獨苦吾道寧虧盈迺持一箭

書欲破萬古城寸心挽來世日月當回精我亦願追逐難  
可覓形聲志合身復乖良晤何難并君持黃金鞭微徑所  
不經我無匹雖力敢擬世上英豈知一日別遂有千載情  
明發隔山雨何當與細評

遊夫容山十四首

十里五里石一步一長嗟行、山轉高悠、日將斜紫折  
抵深谷直下十數家來往自成村桃柳映桑麻崖杉老絳  
葉石樓垂枯花陰凝四時雪陽燄一川霞誰令余到此幽  
意浩無涯行將辦畚鍤來此畊山畬  
岩、青夫容峻秀琢寒玉危流千丈飛鏗鉤石相觸幽閣

魚龍宮荒寒霧雨蓄淒神不可留前登散遐矚參差雜花  
動香氣汎深谷日照丹霞開萬峰洗晴綠同心有長鏡緩  
尋靈藥斲葛仙早見招庶得從所欲葛仙曾遊此山

春風吹衆樹春喚如鳴梭平烟帶遠村時聞樵者歌田父  
有真樂東臯牧群鵝烟暖衆草合艷綠如流波搔首負白  
日歛然得婆婆事立或福的識深廼愁多西家酒正熟况  
此天氣和

側足上翠微石磴八九折開盡滿崖花坐來群香歇遊目  
盡遠空亂數碧簪列草木頗葱蘢雲興復霞蔚不知十日  
雨還長幾枝巖山中無事業持用慰採擷盈筐歸路遙忽

見湍山月

綠峰在頭上落月在脚下點點煙鬟開春晴真無價紅泉  
響哀玉蒼石飲渴馬林窮蘭雪香崖古蘿衣掛厲聞絕壑  
底松聲更清洒世遠事難即趣深月弥暇誰知頃臾間白  
雲已無罅都失眼中奇茫然獨悲吒

孔雀本毒類文章飾其身翠尾列金花鮮麗足移人持以  
比百鳥鴟鴞猶為仁出門遇田父相對言語真桑麻登粟  
麥自有事實存但觀田畝間足想二代淳長歌函風詩笑  
入桃花源

逐日果何益俱至虞淵隈功能寧足誇戮力與偕移山

良自苦負玉期山顏小若不自移志願終難諧長笑恨日  
短遠山惜運推有為未足恃超視良可哀古人日<sub>日</sub>去後  
人日<sub>日</sub>來若復不自開千載誰當懷

花開風自柔谷深日無暉高蘿烏聲轉葱翠搖陰霏孤娛  
有窮深境異心不移東峰屨長嘯西澗聲爭啼運往人理  
盡物新古道遠欣然抱奇懷白雲遙相知日夕意猶緬信  
有忘歸時<sub>時</sub>雜花生佳樹群女已出桑村深無秋胡笑語頗  
相忘著身入淳俗自然和其先時讀種樹書理近意更長  
山林足造化我士不敢荒自蒔一畦菜蒼翠儼成行殺竹  
挿籬援所以貴周防雖無人我欺深畏牛與羊倘或踐吾

菜前功詎能償雖悔復何益空使寸心傷

親友日以踈鄰曲時復至相見晴雨外極論畊種事我心  
春酒熟斟酌無次第開園摘綠蔬淡煮有真味相勸人一  
生所得在幾醉淺深各盡量但以醉為劑聖人亦朽骨我  
輩復何時共賞此言是更酌到夢寐日斜烏聲樂風過花  
香駛容散冠中歌我亦歸去睡

日日碧山去香草生還蹤幽禽識履聲間鳴故相狎意行  
不知遠清嘯得虛谷石上綠雲生岩下紫烟合莫負今日  
晴聊折小花挿

商山非遠遐胡為可避世人間已帝秦紫芝尚周味看瓜

有奇禍紛、誰能避此翁良優游乃為泰所置獨恨六籍  
尊反受陋儒累倘使誠德人羅者誰敢晚蕭散東陵侯隱  
約濟南士清風百世存庶激懦夫志

我慕陶淵明能盡田畝情日夕飲名酒不知有此生乞食  
固非辱在官亦何榮當其高卧時但覺宇宙輕閒靜性獨  
樂不以矯激成極陳形影神无戒無營、雖非晋宋秋寧  
計世間名道勝不知物天全妙無聲聊述吾所慕詎更待  
吾評

春日書懷

廟、春陰厚衆花不敢妍似為天所妬故着急雨滿好醜

一時盡園林生綠烟亂雲猶崢嶸端坐自蕭然鷺聲日景  
迫柳色春序遷心期諒難語縹緲鑪香傳

墻東綠陰好稍覺朝日遲人間事輪囷我枕聊復歌開扉  
覽晚色萬端集兩眉風狂忽倒人迎立受其吹掠我徑西  
去花影紛逶迤微吟視青天一笑聊自持相如不妨慢長  
康政須癡我懷何悄、彼日何炎、寸心通來古寂寞捲  
疎簾聞我一叢菊青、映前簷秀色何怡悅更着兩叢漆  
林間此奇事乃許我輩無聊持千載意以寓百歲淹神龍  
安可擾不用回應潛

蛙聲池上起竹聲窗外傳吹萬不可息聒我春晝眠林外

固多累林間復多喧誓欲躡太清冥、不得前以我一寸  
心焚香小窓邊以我無盡目送此有盡烟

高堂

對改唐

奚行

悠悠：步芳甸微風動半林細雨濕雙燕高堂  
狡獪人一瞬幻千變似嫌俗眼白遮斷遠峯面參差雙鷺  
下點破寒溪練立處不近人忽去何所見

李千戶至自南海分遺椰實喜賦

亂餘乏佳實賤者猶貴之招呼梨栗輩已作席珍推豈無  
仙人棗無經至山蹊桓：李將軍色映海嶠奇歸馬馱椰  
子漢落魏匏垂絢華殼初剖濯：膾玉肥來餉山中人意

重千金遺香醞勝石髓味腴輕肉芝尊前有南海頓壓衆  
果卑向當逋子齡待親曲汪濊啖此不知厭亦與檳榔宜  
既別十五年猶有夢往時故人忽相見喚起三生悲遇難  
心易快感至情還移百年能有此再見安可期子西憂蜜  
果東坡嘆荔枝雖云供貢勞吾念君臣儀安得白玉盤登  
之白玉墀萬古還經常不令世愈衰蒼茫叫虞舜魂統天  
南維梅花滿庭淨香煙一簾遲柳盃更自酌聊欲捐余思

歲晚詠懷

陰風入空林玄雲幕平野薄惟負悶寒飛雪鳴古瓦抱衾  
不成溫孤懷浩難寫荒、豺虎區三殤無遺者王風不列



同多累林間復多喧誓欲躡太清冥、不得前以我一寸  
心焚香小窓邊以我無盡目送此有盡烟

溪行

悄悄抱孤懷悠、步芳甸微風動半林細雨濕雙燕高堂  
狡獪人一瞬幻千變似嫌俗眼白遮斷遠峯面參差雙鷺  
下點破寒溪練五處不近人忽去何所見

李千戶至自南海分遺椰實喜賦

亂餘乏佳實賤者猶貴之招呼黎粟輩已作席珍推豈無  
仙人棗無經至山蹊桓、李將軍色映海嶠奇歸馬馱椰  
子漢落魏袍垂絢華殼初剖濯、膾玉肥來餉山中人意

重千金遺香醞勝石髓味腴輕肉芝尊前有南海頓壓衆  
果卑向當逋子齡待親曲汪瀟啖此不知厭亦與檳榔宜  
既別十五年猶有夢徃時故人忽相見喚起三生悲遇難  
心易快感至情還移百年能有此再見安可期子西憂密  
果東坡嘆荔枝雖云供貢勞吾念君臣儀安得白玉盤登  
之白玉墀萬古還經常不令世愈衰蒼茫叫虞舜魂繞天  
南維梅花滿庭淨香煙一簾遲柳盃更自酌聊欲捐余思

歲晚詠懷

陰風入空林玄雲幕平野薄惟負悶寒飛雪鳴古瓦抱衾  
不成溫孤懷浩難寫荒、豺虎區三殤無遺者王風不列

國安得猶存雅黃竹聲久沉傷朱淚盈把  
前簷立閒夜園中珍木長雪雲正澄澈霜飈復飄揚衆星  
憑幽閣谷出爭耀芒東方起圓月失此萬點軫不有照燭  
功何以尊其先安得騎蟾蜍偃息挂樹傍  
天霜不傳威寒並日以槁厲晚竟以脫未許依藜老南山  
多白石終歲常皜：乃知得至靜超然全所保安盡無非  
天心寧不違道彫落奚足懷鍾山有神草

門扃幽樹聲牕鎖群峰影寒氣迎遙夜華星在西嶺秋虫  
無餘聲時鴈有新警天機自消長冥參得深省名衢萬里  
轍理海載孤艇力弱昧前馳心強遯真境即俗幸無能淡

然聊自領

城中雨後

何處山中烟移向城陰飛乃知一雨過光景與昨非心虛  
納浩蕩神邁得精微勿語馬上郎痴我似我譏鳥雀十數  
點空翔若無依城中彈丸多故林應未稀

華蓋山

三山立天半蒼翠橫古今斷崖三萬丈花落紫烟深路端  
一帶危上薄元氣侵亂霞導飛鳥關雲護行襟風出虎豹  
穴泉壑蛟龍吟川明散衆色空碧生清音仰憇星河次飛  
鳥下堦臨肅然剗風近仙人撫瑤琴立身如此高人世寧

不欽蒼茫萬里色浩蕩一寸心期為太清遊不獨往山林

又

三山白雲合乘我空中行天近通一氣風清來遠聲翛然  
卧高寒五曉天鷄鳴下臨人世秋縱覽鶴馭輕翩半崖  
端稍千村明餘雲垂衆壑龍鳳紛送迎忽然各散去放  
作世間晴日色到遠林輕烟靄生亂紅點長空蔚羅已  
相驚丈夫有高步所冀還丹成聖人似堯舜巢許猶逃名  
禮華與樂葉俱隨秋樹零紛各在眼歎息難為情

松野即事羅氏園林

娛心仗老筇細數諸峰影微烟通前樹淡日有半嶺幽鳥

識歸宿道恤雲路永冥鴻各有見日邊半行整出處無定  
期是非諒難省歸休忽已夜月變光景

采：園中菊青：不堪摘沉思何不開我土槁無液汲水  
聊一溉誓欲效綿力詎能樂安閑所為造化惜少年莫相  
猜此意君應識屬聞毀折多使我逾戚：

山窻一叢蕙脩葉吐紫莖或云斷續花我亦豈敢疑楚澤  
多芳草真偽奚難知浮俗尊虛明君子傷令姿博觀貴自  
得清芬良在茲枝葉安足辨但令無自欺  
兩禪着冠中園林步逍遙微風所披拂衆樹皆蕩搖悠然  
一眺間快甚群憂銷紫氣涵遠村高霞照青霄薄暮急行

旅平疇散歸樵亦復掩幽扉夜意終寥々  
閒雲正相聚長風歛散之聚散每如此我懷焉不悲仰觀  
何所見所見天離々但當飲名酒寸心始不移醉中無一  
事去盡識與知數樹洞庭霜足為歲寒資松柏即賓客終  
始無瑕疵

遠離別

空村落葉亂曠野飛雲遲抽盡園客繭難比妾相思自從  
出門來足蚤折兆龜夜宿茅篁雜曉行霜露淒仰舉千重  
岑俯涉百渡溪骨肉無一在親戚知為誰群刀血模糊殺  
人相娛嬉有聲不敢吐有淚不敢垂妾魂久已逝妾身終

何之行々忽遇兵擾々貪獲資力戰豈不勝何意救蒸黎  
鄉兵又擄妾無異在賊時朝汲風激面暮春日皴肌妾無  
使令者遠勝妾在茲寄言北公鳥妾死君得知自從結婚  
姻得備奉盟匹幸甚終所托可保黃髮期苟死又何憾有  
此生別離自盡亦非難與君贖妾歸君心寧絕妾望君々  
來斯又恐多險艱為妾使君危怫鬱一寸心撩亂百結絲  
牽牛與織女乖隔始不疑昨夜夢到家銀燭照華裯夢覺  
恍見君回々日如迷果如兩龍劍長懷相望悲人人倘如  
妾何以生世為

遊燒香寺於道傍折桂而歸遂賦

欲捐世間憂徑尋林下寺古松工聽泐幽鳥靜通慧鐘撞  
靖國聲苔識先朝事山僮偵茶候道人玩香穉回看爭奪  
區始了西來意無生安得滅有患非所致金仙一何高淡  
然無可累茫曠大劫幽草供深翠出門見東村孤吹隨  
風駛前林衆木竒醲薰隱幽桂飄揚滿虛空狂逐浩無際  
冥叅超欲仙幽玩候已逝偶聞非信知抱竒寧立異誰能  
媚司命深嘆招隱士持歸雜贈人銅瓶且勒置

秋日山行雜興

獨往非避俗散懷聊尋芳流風淡翠麓理策秋路長蒼石  
含幽色桼木落寒香一片太古雲化為孤鳳翔忽然歸紫

霄蕩漾不可望浩歌向夕霽敢事接輿狂

山回杉煙清崖傾花雨下詎知吾道非偶然這曠野磊落  
萬隕星赴流飲奔馬風微葉時落磴寒雪自洒孤松紫羅  
轉幽峰抱嵐地景晦良遇稀心異真賞寡舉手謝時人岩  
陰栖石瓦

晚山菡萏開濃秀映秋碧長風瀉萬里寒花落石壁雲氣  
靜欲消霞光亂相射縹緲浮丘翁素手垂鶴翼咲看蓬萊  
波與世共陳迹天地無恒春群兒倚少色功名猶自誤口  
躄乃相賊安知骨為塵不得同瓦礫浮丘經行之地  
運公絕榮念化遷悟安身舞智巧行殺亦咲榮公貧深谷

無近患寒蘿抱餘春幽娛澹忘歸山水無緇磷風生禽響  
發兩歇草色新回眺宇宙間忽覺無一人長嘯斷崖側悄  
愴將何親駛機滿岐路踏步安可輕所來為流泉倚石得  
細聆激烈蒼龍笛雍容紫鸞笙清輝洒空曲餘韻盤林扃  
至音含元化抑揚極和平區、理琴絲傾意俟人聽可憐  
望知己斷絃復何情

由書堂寺入夫容之麓五代時有胡先生隱居其  
地寺故名云今碑不書有游生者寫華嚴經留寺  
清整可觀生寧宗時人

雨歇入幽麓朝氣籠淡晴夷途何所慮乃此沿流行天矯

玉虬飛驚波嶮天明急播萬珠絡遮應千雷轟忽激群鷺  
躍徐肆遊絲縈曲、揭清淺盤、度峻嶒明生一搗綠幽  
悶兩林清胡為夥生聚却羨非世羸蒼烟出磬響深谷蔽  
經聲閒過小蘭若茶香滿前楹誰寫天竺書秋鴈點寒汀  
盛代安可及隅谷有精能嘗聞昔五季胡君亦豪英讀書  
向此地詎冀千載名俗士輕高人不著石鹿牲空令統竹  
泉長作琅、鴉寸心持餘感出門陟寒青駁石當目際高  
下擁精靈朋聚鳥馴伏孤兀蒼虎獐左峰覆欲壓右崖危  
將傾乾坤有此險始覺性命輕前邁忽自哂天定亦何驚  
萬杉列雲際濃淡因雲成佳標交翠竹茅屋直聳相憑向來

看盡意盡向眼中生老翁理泉竇東菑秧事興喻謂樂如此翁顰訴其情歷述先朝美言罷淚縱橫方余起釀羨屬聞意冥、古來多隱者全身一何精將非智不及亦豈福難勝不然幽勝地自可飽芝苓放麈心不忍力極還小停歌吟雜悲樂寫之蒼石屏他年有知者此語良足徵

白馬篇

疑三去字落一

冥、子規林蕭、綠揚路白馬誰家兒揚鞭西南去、知何為不辭還溽苦陰陽速相禪乾坤幾新故丈夫慎馳騫者已艱步悠、獨鳥沒霧暗連村樹

黃塘渡

早聞東吳路今識黃塘灘聊乘舴艋過一篙濟艱難綠秧映屋秀古木垂村寒曠野何所尊亂躍千平巒回眺寒烟外浮屠乃上千乾坤我來遲促、寧違安遙謝山中人合眼無悲歡

文江夜舟

北斗一何渴下飲空江流南鴈知何愁相喚不自休東浦征人歸孤燈出籬幽西淵捕魚急飛火走一舟漢皇極寬仁今年租稅優有生亦擾、吾道更悠、

箬嶺人家

溪回谷深盤石阨水成布風吹壘下雲掛在溪東樹雨深

兩岸花高下樓臺聚安知主為誰倚遍闌干去  
秧風流平野麥雲抱長洲橫塘數株柳高墻閑孤樓生當  
宇宙間此芳寧彼優殷勤有雙燕相語知何愁

望玉筍

岸轉蒼石踞長松垂青蘿政當停棹時江入柳陰多斜暉  
瀉列岫蕩漾萬金波倚舷一回顧暮氣忽嵯峨群仙筭心  
處許我勤相過洞天無衆竹去：將如何

登北山塔

間驅葛陂龍急追數峰雨仙人專幽竒我亦微徑取山花  
帶雲香裴回綠承宇身行元氣表心明萬里俯我今為我

役出沒塵潦路仙人何超然應咲我如許何當寄此山隱  
几玩今古

東湖別吳伯清周栖雲虞伯生諸君子

炎：白日長宵孤雲去身靡心久歸別至情更苦良時  
難驟得異縣不同聚名都親友并並翔文鸞羽處獨忽多  
聞至樂欣所遇析理挹清風吟詩看踈雨鳴琴挽幽聽評  
帖芳前武有時縱登覽江山見吞吐行襟浦草青解帶湖  
柳舞茲遊豈不佳歸來胡遽賦顧惟山林姿終非城市侶  
故園夫容華綠池照茅宇我懷詎能忘寧為倦羈旅長歌  
招隱詩諸君果何許他夜宿山郵明月照去住



寄揭曼碩

急程驚語離知問枉敦良偉子謀多才涼齋齋每余困冰收  
聞波起雪解河柳潤同行諒佳携芳華發清曠名都許當  
達一官子難遜皇鑿洞淵深儲暢閱論達行異窮誓恒  
為高賢恨勗子振清風余今媿幽鈍

聚遠樓分韻得笛字

彩榜聚遠題登樓記疇昔一尊集七賢共領諸峰碧雲樹  
分村容嵐霏長溪色點：鴉影翻沉：市聲寂寂古來多勝  
踐談咲不知夕欲去重倚闌寥亮滄洲笛

梅

一徑蒼苔深梅龍著花早初回天際春更覺江南好月色  
冰霜寒角聲天地老寄語宋廣平時無蘇味道

題黃壽伯玉泉圖

匡廬三疊竒昔救今乍顯美玉倘可求佳泉諒難見朝暉  
瓊膏煜夜彩白虹貫比德世所欽含光外非衍源往豐大  
川雲升澤九縣在山孰為貴出門敢云賤如何市朝上為  
起山林羨鉅公有慕山林之句

知非堂景卷之二

五言古詩

贈元復初二首

臨川何中太虛著

暖雲流青堤，光風轉芳甸。遠在天一涯，幽沉限聞見。點  
秋歸鴻翩，春來燕天路。萬里通胡寧，絕遐睠竒姿。奪南  
國，悵望愧疎賤。良會慙夙心，願君畢歡宴。  
朝采山巔苓，莫採澗中藻。心同媒，豈勞結言不在早。深知  
各偃蹇，非要一時好。託輕身，易捐百年不速老。綠陰鶯亂  
啼，相携玩芳草。區、幸識察庶得堅所保。

春風如少年，效程深翁

春風如少年狂逐無定處垂楊曲江隈細草東郊路祇言  
今似昔不悟新非故流水何時歸殘鶯數聲莫

西湖山

我：西湖山靈秀入空碧蘿陰轉累磴松色清幽石微霞  
生絕陘飛溜洒歌壁鶴鳴岩光動花落雲影拆危巒登古壇  
百年此一息聲影混大荒不見興滅迹剗風三天寒元氣  
萬里色帳望仙子期凝神撫玄極

飯信寺近曾文昭公墓次

綠柘茅舍村青山晚烟渡何處權歌還直入深林去隔阪  
數聲鐘鴉啼翰林墓

程氏山房燕集是麻源第三谷

芳村暖微煦聚岫分餘煙逶迤望遠壑趣得心轉延洞開  
石扇不礪阮滾流喧居人隱古俗香氣通幽禪艷綠度画  
梁語咲相後先飄，縱飛屐松声正鏘然窈窕山曲岬麗  
構朝霞鮮勳庸在廟廊傑閣儲芸編緬懷康樂公竒蹤此  
周旋詎知有今夕煦集玉堂仙群鵠亦共喜共舞芳尊前  
無情尚相感矧當後諸賢暢飲抱真遠遠心寄微言茲遊  
即千載湛革期俱傳

招仙觀

逶迤溪南路窈窕招仙谷空堂兩道人殘棊映深竹一葉

響疎籬雙鴉啼高屋出門隨婦人遠燒在山麓

知非堂夜坐

前池荷葉深微涼坐來爽人歸一犬吠月上百虫響余非  
洽隱淪隙地成偃仰林端斗柄斜撫心獨悽愴

遊樂安穆山寺

秋陰出南郭佳色來遠山悠然渡野水却宿前林間朝氣  
銳幽步相携上孱顏行穿綠蘿遠共受青杉閑已窮高原  
路忽得雙石閑煙帶香氣深木藏幽澗景晏鍾磬寂桂花  
滿苔斑道人一尊酒時聽風珊珊多悟從此始塵緣諒能  
刪空廊對微雨亦復不知還

宿田家

村暗烟火生林深雞犬靜麥花如積雪月色淡相映鄰家  
夜汲歸寒虫滿幽徑

發新淦金水亭

振衣上野航回首謝山阪日淡秋水空風清片帆遠沙光  
侵岸發峰影隨人轉前渡烟火深離亭路今緬

小孤山

牽牛與織女河漢有時渡小姑綠髮深隔與彭郎語流水  
去仍回望卽不來精神有相貫形跡難相猜年華朝又  
暮江頭晴又雨靈風吹斷砣行人聽鐘鼓

曉蕞辭夫磯時李洞溉之友先行

荻暗鷄鳴村平皋下殘月參差鄰舫語  
聲帶潮蕞露華望中白蓬陰散秋髮沙鳥知曙鳴  
海雲上空城念我前行友青山已飛越遲尔及相携  
無嗟賞心歌

龍潭阻風夜興

水宿滯前期前津北風惡林寒燈影深  
莎雞滿籬落荒忽寄孤迥淒清媿離索  
年光星河轉夜氣衣裘竟我前勁翻  
翻我後大魚躍潮痕侵柳根移舡避沙閣

淮陰古城

土人云城有韓信墓蓋信母墓非信也土人誤云

牛羊上荒城茅茂深樵路鍾室嘆良弓  
此有韓王墓狗名

本何成早被鄭侯誤閒尋舊釣磯香渺蒼波莫

望新安山投宿不及

踰淮數百里欣逢下邳山新安十數峰  
窈窕霞影間遙看若可即既近香難攀  
契深迹莫遂悵然空厚顏倦鷲辨沙  
落遠禽求村還已暮將何歸回濤冒  
瀾滂波口雙古柳茅茨相与環清時  
寄孤枕敢厭聞鷺濤

歌風臺

神魚驚遠海雄鵠陵高去區區一亭長  
帝業何赫然先芒三尺劍群雄讓鋒先  
羸項屹山岳掃滅如飛烟故鄉偶一  
歸父老相周旋百感忽中起深情何由  
宣徃時同功人今

乃不一全害能亦寧思遠計有未便玲瓏視孤影三侯叢  
尊前丈夫英雄氣兒女淚近泉縱觀能幾時憂虞浩無邊邊  
西風吹古臺老屋敲阿瑀依個一長嘯乾坤多材賢

登李白酒樓

當時謫仙人四海蜚英聲偶然此一醉遂有無窮名將世  
尊放曠中度翻為輕顏波浩難返憂思誰能平

同鄉客有認余舟者問陰與消息焉

遙見江西船認是同鄉客何日發龍興迎人問消息長河  
落鴈秋古渡啼鴉夕不見楚天長重暮雲色

影兒清看落日

玄識超象外精聞洞心知諒非耳目及難用常情疑香  
大荒闊紫毫散天西岳輪忽漸側綠水浮金龜昔我事畊  
釣廉溪恣思癡秋風影兒清夕景無前奇六奇孰云廣余  
行亦非迷揮弦訪太容鍊石尋安期

酬揭曼碩重贈

歲晏君獨留路長我將叢林居難共語帝里易成別煮水  
逐人飯依樹因車歌今夜抱衾眠街頭響鐘絕

宿十里村

朝出順承門莫宿十里村臂鷹獵騎歸積雪明郊原居人  
喜客來汲井鄰墻溫羹湯稍暖熱餅餌亦燒燔此夕羈旅

意深知路人思重林隱城堞昉此勞心魂

涿州道間雪霽

昨日飯良鄉今失涿州城此路有終去安能緩車聲平野  
散寒景流輝起浮英濛烘遠樹密落削僵柳明猶律共鴉  
牧團瓢忽鷄鳴殊方雪初霽余抱孤賞情胡尔同車人若  
云路難行 猶律松漠紀聞作疑難

河間晚行

歸人心久歸車夫若相役衣裳急披攬衾毯自裝束寒深  
肌骨痛夜久情懷獨萬里多往還他人媮僮僕霜枝叫羸  
雀雪裡過山鹿望野欣海霞辨烟識村屋飢尋麥粉麋到

夕當得粥南中好男兒閉屢絕行躅河間猴子多毋煩記  
生熟

早發東阿午經東平晚宿汶上是日雪

嚴裝齊地晚授館魯鄉莫天寒客心速雪下車声去迷數  
出桑畦流人披野路淺靄瀕城山斜橋汶津樹前聖有遺  
業惆悵經行處荷蓀与耦耕何其得深趣

淮安道中

声鐘起前林悠々向南客天垂大野高月淡行路白雞犬  
淮上村雲霞海邊色舊時塞垣地來往人馳驛

得風目施團一日至梅根

沂游縮程期景氣異昏旦波声舡頭響旗尾檣竿轉施團  
方入望忽過繁昌縣雄吹徹蒲冥陰色形恠變凌虛曠超  
軼坤六酣龍戰幾日西南風去帆眼中羨蒼々水雲鄉九  
華今不見

南浦旅懷

鄉近歲已闌猶為候風客落葉蓋蓬深三日不知息浦樹  
分城煙水明遠沙色滿篋紅燭枝渡人隔村夕久滯妻孥  
望孤還友朋惜音形兩睽離情生自難抑

朱方偶作

雪餘春水生日上暖雲泮香靄松林中柴扉起樵爨新粒

攜童稚鄰曲欣年換坎々村鼓鳴沙頭酒聲亂江西田家  
樂豐歲尤盛觀山市溪橋春還多看燈伴

訪程漢翁不遇賦寄

高躅洽冥接託資得睽阻逢人問來期指日徃城府俄聞  
幽軫至迎候急江澣沙柳歸流風陰虹割飛雨還同騎馬  
客尋竹叩深戶多蘊喜頓傾失靚還茹苦度烏遺還聲滅  
情從歸武招悵新城雲秋山事晴媿幸因揭陽侯謂曼日  
日間玄悟

酬彭通復懷友見及之作

疇昔到沙步芳時感嚶鳴日華起朝采林香散樹英虛館



許行李輕 下鍾陵還期念當遠在矚欣欲驚新句出良  
斷痛踈媿專精天質謝人飾妝妍終莫能程兄守丘壑捐  
弟游神京出處各乖闊能不勞深情塞劣忝相厚如何歸  
思紫溪人尚貞素迷復懸清評

暮行城東懷望漢翁因寄

倚郭起遙悲日下滄波闊何處是新城層峰翰飛城始友  
今悔誤沈想還成結百里說稱遙長年忍為別回風歸山  
霞遺景發沙月獨殷今夕情淒迷轉城闌

丹霞洞天

飛鳥落丹霞蒼然洞天劃草木皆異香烟處有靈色寒苔

潔宜坐幽水井可滌蕉子指峯賞野翁教葉摘琳宮積筠  
陰慮消景難曼道人供仙茗壘古所歷唐王懸舊照唐  
昭武遺墨使年知幾何山前事多易稽首浮丘翁歸歛紫  
玄宅

照武西塔山報恩寺

山拊敞禪扃幽欣失微倦密林稍深沉新笋亦蔥蒨磴折  
迎空香臺虛得清嘒共趨前塵往遺勝踐始知佛力  
弘能使地靈見市聲俯一席山色照三面郡小覽易窮興  
高賞難徧微生諒何緣周流散遐曠

浴候官湯泉

天氣稍清穆葉聲泊荒津湯泉冽山半取徑娛幽淪解帶  
散踈髮搨漪淲開身暢然肢體舒洒若襟懷新其下多嘉  
樹細花落繽紛和風來樹間芳氣通微辛繁陰屢移席俄  
令鳴鳥親無為急行邁殷勤謝舟人

三仙謠

紅紗籠玉香金翠繡鴛小鶴頂壓青絲斜戴花枝裏何方  
馬上卽下馬佯驚悄羅扇掩微頰答語相縈繚卽有千金  
重妾惜容華少怕不稱卽心看卽幾曾老

苦熱得雨

炎德王甌駱羈羸負天刑不為水谷留乃使熱反經几席

集蚋蚋與臺亂探甍居煩易激疾習靜難遺形每倚高閣  
立但愛方山青林端動虛籟殿角搖飛霆雨影襲虹氣土  
香雜飛腥脩政神慮肅賓仙靈散襟淡幽竹福花如  
雪馨

九日

囑耳喧令序虛昊景清溫久生理難期陽德聖所尊鞠籬  
黃未拆萸枝綠初繁時萸幽岵寡芳物離索誰相存白日  
照杯酒壺山落秋痕高歌行太清海翳開潭倚仗祥視  
履登高倦躋攀化機何由息悠哉委乾坤

壺山絕頂望海

縈磴入蒼靄，斷崖倚晴暎。天颺盪空駛，城氣迴曠昏。磐石  
偃危嶽，谷王浩無垠。鳴笳群龍戰，舶照微鷗翻。浮雲岌雲  
朵，懸霄浴霞根。空濛東南突，迤邐日月門。指數十洲翳，招  
呼九仙存。余懷已澹，前境方譚，乘槎寄虛感，微迹猶  
當論。

登九仙山 仙何姓兄弟九人

吾宗九仙人，鍊藥此山上。渺嘉遊心，捫烟一相訪。海門  
葱蘢外，山氣喘嶮狀。側日明遠潮，歸霞委孤嶂。塵緣誤良  
契，仙事敦夙尚。何處乘鯉歸，微風起清漾。

烏石山天王寺

天王小精廬，山角臨城闔。古稱藩服雄，畢境環相陳。塔影  
六七枝，瓦縫千萬鱗。煙明南臺樹，潮壯方山津。老僧肯前  
揖，似余異人，指點壁間画。修廡行遂，巡觀音天自在維  
摩妙悲輦。蒼然古木陰，寒山砦可親。叔靡幾尊者，一皆  
風神老僧太息言，劫餘偶遺珍。從今幾年笑，此壁終成塵。  
余咲謂老僧子，意亦良勤。適見俄已失，當悟無還真。

黃溪口看白水

黃溪且緩程，白水方迎賞。石扇千餘仞，雪隙數百丈。幽光  
照天動，寒氣發地爽。松杉含清英，猿鳥玩奇響。仰視葱蔚  
中，當得一席敞。移家結香茅，抱書寄泉上。

訪貢仲章舟行阻風

今旦始自信余生非數奇  
懷人發清興欲雪成良時  
波響雙櫓澁灘寬象帆馳  
危查五小渡殘竹懸斷旗  
指浦見鴉合轉蓬惜峰移  
深烟曲江磬微雨三洲吹  
穿閒有餘遠濛鴻無定姿  
余寧不可奈久與西山期

送人歸臨川

雖云有朋友音素猶難之  
奕々大藩地邊得歡會時  
飛翼散寒城勝賞應前期  
高樓酒深注簡略窮談諧  
但感人似雪頃刻合又離  
何當雪如雲恒見堪相追  
鴈下浦舍臨川寒人去  
遲年華委分手誰能計  
推移

雪中重過黃沙

環々磴屨折剡々峰爭迴  
木陰與石缺梅花抱泉開  
長思黃沙好每待春雪來  
陽和發坤厚寒翼失貞材  
引雲買餘勇跡颺行新  
媒重成一川雪步々當裴  
徊杉竹懸明冰瑤璵連  
清泉叢石動溪響呼吮  
出林隈舍欣耦孤策迎賞  
利蒼苔夙昔多親友茲焉  
起余懷

耦疑誤

擬作振

早起

覺來日已升花梢象禽語  
何許白浮萍池間散還聚  
起見梅已空夜來幾更雨  
魚行春到水草暖香在露  
溪上人語誼樵薪滿沙路

撫州魏壇觀

何年女仙壇百步遠城堞樹色隨春新  
飛花散枯葉廊虛苔綠重簾靜藥香  
泱主人勉逢迎小憩薄茗呷却讀魯公  
碑仙事公素愜是時中興頌筆力太華  
歷此書最為小勁氣亦業大節照古今  
片石即先輝人生果何為草度塵劫  
揮手謝壇扉天長碧雲壘

鍾陵紫極宮寫韻軒晚立

擇勝委清曠空軒橫晚晴遙屏散脉  
縷毫髮分昏明沙鳥雙復隻林煙濁  
還清蒼旻貯正水白雲載舟行接要  
居郡最翫奇盡天成當時寫韻人此  
寄千古情招之不可得莫

磬長廊聲

洪都靈應觀榜雲徑

厭煩取蕭閒隨意入雲徑上堂敲響  
板山童質辭令地窳室生涼躡暢心  
適靜出門看木陰佳鳴發清聽風光  
勻可愛水色艷相映真契成自怡  
歸路得新詠城市今滯留將無失  
幽性

新淦太平山

縱觀不知遠言登太平山諸峰卷秋  
兩日射風霏間懸磴折古石側溪  
倒危瀉金燈如丹紅異藹相爛斑  
忽悵經丘絕俄欣尋壑間筠陰聚  
森爽樵人指幽閑聲鍾出曉靄演

梵作孱顏靜者足吾契語瑩冰珊  
崖東野月上露華膏  
夜鬟如夢烟玲瓏  
流颺過瑤環既靜有餘聽焉知  
趺坐頽  
偶然在塵表非能悟無還

崇仁鍾山寺

字樂史侍郎有詩在寺

方有望仙雲  
何訪鍾山泉石隈  
既危溜峽崖  
滅青天不知  
路深淺但愛山蒼圓  
俄驚移樓觀一禮黃金仙  
衲僧喜容  
朱觴行續茶煎仰視慈竹題  
俯吟慈竹篇  
前脩凜高躅  
滋  
久餘芳傳白日倚山轉  
倒暈千峰烟  
悠思難極且子樵  
風還

樵溪

林嶺甚可愛溪源無盡時  
山花已亂發煙暖東風遲  
因與采樵者坐談樹陰移  
日斜自歸緩我興非人知

立秋日雨

律候秋序改午陰玄雲飛  
驚霆發雄殷并洒行空霏  
送響下清漪激花裂明璣  
餘涼泛巨床薄潤通練衣  
草木轉異色山川起榮輝  
弘敷二儀德燕及浮生微  
斐几亂書帙撫之有餘歎  
聖言角相說人理還多違  
山田秀嘉穎歸息期  
林扉

壬戌夏五及陳宗元會于富州下橫黃氏

蕙樓罷看雨  
稚綠新成陰  
流風淡欲留  
冷山鶯吟美景

天  
臨情真語易契趣遠領深張上客賢主  
人蒲香酒頻斟文惟不知醉詎計西日沉談笑偶一時流  
傳成古今毋為畧斯集異世當追尋

河湖水岐山觀與友人皮季武同遊

旦旦望岐山樛木森山楸其下美清蔭仙真集蕭索在友  
謝塵慮導余度飛橋危濼濺跳雪石磴藏靈甍攖邃裂凝  
陰凭顛洞避霄寒蒼貫晴紫混濛峰壑搖久無登臨逼快  
此煩怯消日馭諒難迅人區亦非遙遂敢迷復覺同  
歡謠

豐城踈山寺

天氣良晏温山原足游衍石溪試初涉衣裳費牽挽油  
風力舒恍煙色遠指峯左右賞愛草行坐軟情興俱笑  
談造詣各深淺望蒼寒中禪關路猶緬

樟樹鎮五公寺

久幽厭拘維暫弛欣舒散近閑得禪扉擇步歷蒼蘚沉  
松陰重攏水光遠殘花起餘香乳禽響新嘒虛廊清晝  
長高僧坐談簡學空素所昧慮妄還自遣移畧始知歸生  
烟滿林晚

清江鎮靈峰寺負嶠亭

拔迹囂塵區置身清涼境深蒼松林炎曦不通影松根

得散坐蕭然心自醒  
閒草膏以綠新蟬咽  
而警元非造幽  
邃已足移視聽何當  
真物外無愁慮與靜

重到山水村

往時山水村曾駐老仙策  
俄然二十暑重到高陽宅  
著書道前聞析理茲新益  
感集天為成高情世難識  
繫余最疵謬每幸親講席  
怡悵悅仰間均能髮鬚白  
山樵空外青川停雨餘碧  
握章懸舊陰運蕩起生色  
上客詎可期在時諒難得  
壺、後來人遐追撫行照

送涂雲章北遊

竒璞閱偉器喬林長珍材  
國工久窈窕并伏巖壑隈  
清廟九筵煥明堂八牕開  
良時難再得振衣起蒿萊  
沆風寫空江迴舟越清淮  
直上到薊門故人与談諧  
所來非迷方咸馨奏天階  
燕昭稱誼辟樂毅名高才  
區、寧足道郵劇何為哉  
天龍正御天走奔風与雷  
奚待一孔薦自宜四夔偕  
素抱飾玉度聲先遊九垓  
古來致身者不為雲山懷  
珍重垂芳在深培尚令王  
子用善頌端能裁

病起舒懷

常時不知老衰病遽見  
侵入喉飯若仇毒腸菜難  
禁始終理夙徹羈旅情自  
深朋友各相念撫憐出真  
忱踰旬幸能起四體危歎  
、幽館雨新霽綠光傾遠  
林疎籬上孤蝶石



笋跳雙禽油，好風來迎之散衣襟欣然若可飲清爽空  
煩心平生事聖學，定詎能任惟應委此身天壤俱涖沈

閻皂山鳴水臺

兩山阨一峽幾丈落寒水蜀灘春濤壯吳江夜潮起靜聽  
得天韻冥叅洞玄理遽得還未能淹四成自喜幸茲有臺  
亭綠蔭極清美霏林香生郁山光委本非塵土骨偶  
此一洗懋所聞盡心聞我耳毋煩洗

持志堂蒼玉軒

仙家葛源上空涼敞崇軒肅嘉蔭靜冷清韻傳軒中  
有高人讀書事丹鉛尚友惟此君恍若物外仙循名乃慕  
貴比德豈莫言孚尹自旁達溫潤而果然粹質生不瑕直  
節久彌堅風煙与雨雪萬變俱盛妍偉哉干霄志孫枝益  
綿尚令後來者毋忘淇澳篇

李氏淡香亭

清冷一渠水曾窅五畝園相携步荒徑左右花草蕃好風  
颯而至語笑興弥敷勝日得雀巢占星詎虛言散懋一小  
亭繚以衆菊根歲寒淡香趣深奇難具論盛年值明世奇  
翮當高騫秋容与晚節豫訂此道存林氣漾華艷珍材美  
瑛璫今夕果何夕殷勤屬芳樽

劉崇正秀才金自脩高士自閻皂山來訪于樟樹

鎮值大雪時余抱病。愈賦別

雲凝雨不靈風定霰未先茸。敷素塵轉。遊輕鈿萬花  
開盡窈千林耀春妍景麗佳興發二妙來高軒旅館共清  
坐雙壁暎談玄余衰得奇疾藥鼎煩烹煎明。桑輿義尚  
友千載前念昔戴安道可以與之言胡為王子敵竟返中  
夜舡雪罷洗峯岫歸情勝剡川寄謝山中人丹訣期相  
傳

儒學提舉司宴集

至順二年冬平章公命提舉高才翁設宴儒司  
酒酣分韵賦詩得迎字

賤子久在野低頭事躬耕堂。賢宰輔胡為知姓名許辭  
序序責復假賓師藉仰既漸簡書俯仍媿輿評公館良宴  
會文雅有餘清粲。珠玉質。鸞鳳聲深意脩綬汲雄  
辨四筵驚我衰但多感一出寧非輕白日照天碧耿。梅  
花明城南有歸路西山能送迎

除日文江書懷

馳外心久息求安志恒違江受風雪壓帆從波浪飛眇彼  
東山雲安行已足非為誰餞殘臘蕩漾不知歸沉。州郭  
暎黯。烟火稀流坎理多悟孤睽情自微

寄題天光雲影樓

城南有高楼。高莫與儕上接銀河流下臨寶鑑開玲瓏  
八牕境洞徹萬里懷至人泰宇定靈根固深培不假日月

輝長照神明臺倒射屹不動幻翳要難裁初萌朝菌茁轉  
作冥鴻來須臾忽爰滅炯々無纖埃真黍足多悟內定外  
自諧倚欄視下方此心良悠哉

知非堂景卷之三

五言律詩

臨川何中太虛著

後學孫東菴何賤雅言編集

趙郡管時中校正

述懷

文藻風流盡天機定偶然自憐有今日猶復望他年道遠  
雲千里樓危雪滿川春還有消息好去到梅邊

除夕

曆象羲和遠誰將旧恨新燈前數杯酒宇內幾閑人豪傑  
悲來古汜山識故春今宵分兩歲看劍不妨頻

正月五日吾族諸老儒服縱遊

縱遊二十士遠賞物革新好是小蘭若一來中聖人  
桃源在何處流水不勝春  
歸路狂歌甚殺，烏角中  
山中忘世換人事又從新  
儒服吾宗老南冠故國人  
悲風千載淚幽谷一年春  
折取山花供清香已滿巾  
有計能與漢無辭可美新  
才名歸後輩事業見前人  
野水孤村暮梅花萬里春  
斜川同日月瀝酒正須巾

幽尋

意遠可幽尋  
天空晚氣沉  
鷗飛一川迥  
花落五雲深  
庾子江南恨  
瓊奴柱下吟  
野風吹我老  
鴻雁有餘音

晚興

雁背霜花落  
吟悲興自如  
天虛鱗甲動  
山老鬢毛疎  
漸隴暮歸客  
寒溪人自漁  
蒼茫閉籬落  
政爾緩羊車

遺老

遺老今猶在  
方知有亂離  
為言前宋事  
曾見理宗時  
邑遠何年到  
身臞獨步危  
已無桃可種  
力穡賴諸兒

春郊

湖海獨垂釣  
風雲入短蓑  
燕來春已去  
花少雨偏多  
一飲捐愁却  
千盃奈醉何  
青山如有意  
對我獨高歌  
試數亂離年  
傷情更惘然  
牛羊荒草樹  
天地老風烟  
白骨

蒼苔外山花野水邊  
幽禽未棲宿來往自翻  
歸鳥情方遠啼鵲淚未收  
淵明姑託醉老杜不勝愁  
雲冷花無主山寒雨似秋  
江南春水足何處具扁舟

雨後晚行

太虛萬籟動  
獨卧一畝陰  
雨足歸雲遠  
溪流到海深  
古今同此意  
天地一何心  
我興聊復尔  
露花沾我襟  
謾道閑中興  
應知事外情  
江山歸釣影  
天地入笳聲  
小市風煙合  
孤村竹樹清  
眼中餘小景  
收拾即詩成  
棲鳥黃昏後  
歸牛蒼莽間  
水明疑有月  
烟淡欲無山  
幽谷元非隱  
高人自喜閑  
徘徊不能去  
莎碧耿荒灣

伯父堅白道人挽詞 即見山也

畫靜清江獄 臨江錄事參軍 春調衣錦絃 智去 妖人共異息  
盜史堪傳使節臨  
鄉國即星照楚天  
穆陵親擢士公不愧諸賢  
粟里陶元亮南陽武葛侯  
事功今代見意志古人求短屐  
漫岡晚溼衣老圃秋公心無可  
翹遽往帝鄉遊我亦公猶子  
公亭忍棄吾恍疑容色在還聽  
語音無風急鷓鴣雖冷天  
清雁影孤九京良感激慟哭洒  
寒燕

老圃堂雨

皋某不可復懷哉  
步疾藜江山宜有  
史風雨可無詩  
漢殿金人別唐陵  
石馬馳物情猶若  
此公意竟誰知

深谷紫芝曲南山白石歌斯人嗟已矣此恨果如何扇裏薰風在花間暮雨多悲吟聲已苦一鳥下庭柯

喜雨

雲葉來西北風聲乍疾徐冥冥天下雨湛湛圃中蔬書傳堪經世乾坤且負鋤欲言無與領獨立看芙蓉

雪

共喜輕堪玩寧知積更明陰凝兩儀合勢壓九州平江海漁叢樂山林茗椀清何嘗不奇絕誰望一朝晴

奇石

奇石爭迎立青杉互引前冷々兩溪水淡々一峯烟閑作

題岳字時逢採藥仙蒼崖恐陟絕松影一颺然

山中

何處征徭急茲山水石奇鳥鳴新葉長磴轉斷雲移趺坐天正碧起行風自遲徑穿松罅去中袂冒蛛絲

微雪

微雪寒烟淡遠村喬木亭年登猶有殍政猛更聞兵亂水投陂急群峰照野明酒盃無限興詩句有餘情

別羅士昂

晚煙寒雁度夜月遠鍾微高韻非今世清評閉野扉始知千載上未與寸心違落葉荒山路獨伶身是歸

送喻道人歸蜀鶴鳴山

杜主猶無國西枝更有家  
早貪吳景媚今恨蜀程賒  
山豈東南異仙寧遠迹  
差鶴鳴更湏到方足  
養丹砂  
緣重身真患時移事  
盡非籬廬誰是住  
華表底堪歸郢路  
雪霜苦錦江消息稀  
天長翅翎短休傍  
莫雲飛

曉晴

一雨生春色千山起  
晚晴落花紫樹轉  
幽鳥過林鳴香  
天如古茫茫世有兵  
開扉小倚杖沙上  
草初生

南居寺

閉戶未從容出門誰適從  
聊隨碧溪轉忽與白漚逢  
小雨

十數點淡煙三四峯  
峰峰看不足山寺已鳴鐘

饒州道上

新晴破積陰泚氣泛行襟  
千里山河眼百年耆舊心  
霞飛滄海遠煙入綠村深  
學劍江東者茫茫不可尋  
手春初歇杵麥粥午香知  
白酒村村薄青山處處奇  
天垂雙鶴遠江渡一舟遲  
楓合東吳綠何人續楚辭

采山歸步

松邊採藥去谷裏帶雲歸  
步轉半崖側影涵空澗微  
獨尋茅宇歇因看水春机  
數點山花落孤禽避客飛

象牙潭遇風

圓蓋吹應側東溟倒欲乾  
數帆將雨急萬燕逆烟搏  
齊泪徑頻試低昂儘自安  
世將長嘯處隻漿破空寒

病中感懷

漿改漿

多病他鄉外孤懷始覺愁  
山園隻鷺曉門閉一蟬秋  
遇合馮生缺勲名季子裘  
悠悠耦耕者端暇為人謀

夢鄒明遠時遇金溪楊方

心違形空滯神交夢自歸  
江山真有待時命且相違  
君母蛇杯悟吾親鶴髮稀  
楊方今夜雨偏向小窗飛

留金溪夜雨達旦有懷

忽見干戈動他鄉  
隔老親一牕如此雨  
兩地未歸人雁渡

關山暗雞催海宇  
晨誰能更軟枕聊  
抱曙光新

陳家源

恐是仙源裏山從洞口開  
茅簷無客到稚子怪人來  
塘綠魚迎日林清雀啄苔  
欲令幽賞足石道泝縈迴  
翠霧新崖側丹霞沆水西  
竹從幽處密松自古來  
敬落葉半藏路清風時滿  
溪仙家元不遠未許衆人知

龍池寺蒲石

底有貪奇意吾行亦偶然  
尋泉經絕壑看石到幽禪  
鳥語前林日鷄聲曲巷烟  
偶逢樵客歇共生偃松邊

留文江夕雨值水



半世長為客却悲行旅艱相知惟有兩四望更無山命寄  
浮沉裏心遺生死間丈夫要經涉可復事安閑

白鷺洲

淡、薰風喜証明天影開竹陰侵水碧草色近人來諸老  
心猶在千年首獨回非無李供奉却欠鳳凰臺

其詠之挽詞

經傳明精義圖書貫大全曾為諸老敬不受衆人憐風雅  
力還古林泉清欲仙南州餘此士北客識高賢  
花嶼風醒酒琳宮日度棋高談千載靡浮俗萬端疑柳暗  
西湖路梅殘東閣枝篇章須爛熳知復寄從誰

獨鶴城闈語聲蜚到竹林安知名一世不忍負初心良晤  
情方切幽居病已深俄然隔千古慙恨淚盈襟

劉太傅挽詞

慷慨憂危國從容古大臣竟孤嬰舊志遂作綺園身名節  
非無壽乾坤更有人堂、天下士何死必畫麒麟  
妙悟通群聖微言刺六經千年遺此老四海先生文字  
空傳迹知聞謾敬名豈無房杜者猶足致隆平  
如許龍門近胡寧忍闊疎不為終古別詎信此生虛未始  
壺丘學頗知揚子書向來香一瓣薄命竟何如

程揔管挽詞

行意心追古材高道卽師澤深三族決庇遠萬間資蒼隼  
須秋擊并霖入望遲東南此人物天意遺明時  
偶奉親從養因令季保城詎知求偉績不忍毒蒼生厚祿  
君恩重浮雲世事輕倏然拂塵服身退更為榮  
雨露深喬木乾坤啓德門勲名雖盡幻施報始堪論四海  
天球在他年上蔡蕃門入更須慟矣久弥存

寄鄒明遠就問訊諸友

宴坐列芳植鸞聲春雨餘空齋三夜夢遠道一封書能事  
身增病窮居計未踈諸賢日相樂我獨問何如

聶氏丈人室

八尺床敷愜清評許客過堪容四翁隱頗覺七賢多山逼  
陰留席池藏水禁波此中惟可飲新釀近如何

送曾教諭之官萬安

今雨深春色江花暎餞樽近看科詔下轉覺校官尊山色  
通講席灘聲到縣門金閨須布武六學始堪論

立秋夕作

但覺焦原苦何當沛澤流夕風微報響古木暗藏秋未事  
冥難測閑心遠作愁亂山高下碧烟靄淡浮

雨餘桂花盛開

搔首發清磬開扉啼早鴉西風一夜雨丹桂滿林花老托

心猶壯思云識有加平生讀書眼閑送曉天霞

次吳仲谷離字韻

一 聊信意相遇若相期賤子方成喜先生便語離梅花  
迎客發山色待人知從此因經秉應添所賦詩

送巡檢之官柳州

轉覺為官易皇仁貫地維更無方域限寧有微巡時丹荔  
柳侯廟紫苔韓子碑弓刀多暇日煩為拂蛛絲

陳母姜氏挽歌

閨閫芳猷著鄉閭盛德尊早為三鳳母晚托八龍孫世有  
金鑾美人誰琬琰存堂上韓吏部銘碣照高原

槎溪

岸斷風軟柳村寒雨病花安心貪自適危路得長嗟別壑  
亂雲散田灘歸鷺斜平生謝康樂幽意滿天涯

元真寺橋小憩

古刹傳清梵橫橋兩歇時年華流水在春事落花知宇宙  
遺陳跡江山本後期向來多薄命今日信枯藜

送人歸臨川

金河踈柳外去櫂響沅澌為客有歸日送人愁別時寒雲  
隨鴈遠南雪到山遲舊隱書無恙行藏莫豫期

絕江

掛席亂驚湍曾過此渡難潮歸揚子晚山入秣陵寒聽語  
知鄉近忘年計日寬穩行隨夜泊煙火滿江干

登蛾眉亭

蒼壁孤亭立彫年獨上時帆歸空渚早鴈落信潮遲烟火  
聯三郡波瀾動兩眉表宏成絕響李白屢謏辭

鄱陽湖中除夕

除夕生能幾誰無骨肉親望鄉偏恨路在遠併遺身湖雪  
殘波岸血燈獨夜人淹旬頭一到珍重故園春

行樂

行樂當幽賞晴峰帶雪款水香梅落處沙潤草生時事識

心仍累生添疾更衰深村紅葉路樵牧轉相知

辛亥元夕二日

頑坐故貪默忽行時自言寒沙梅影路微雪酒香村時序  
鬢髮改人家童稚喧街頭試燈候不到郭西門

送吳主簿之官石埭

簿領池州去開帆帶雨微當令公事簡見說縣人稀雲入  
九華碧鴈驚秋浦飛丁字橋下水官滿載書歸

贈李仲元

曾逢偏意悟顏面費追思把酒忽相語計年深自悲亂山  
藏路遠秋水去城遲若到寒溪上教兒護菊籬

別唐仲謙

記名長似識相見始慚非每到極言罷却欣幽聽稀日明  
山氣改江靜水痕歸添得今朝別城陰空掩扉

水口夜思

牢落不成寐荔陰寒石磯潮生灘響盡海近夜涼微旅思  
隨時進鄉音逐逐非燕南與粵北格是費征衣

山墅幽居好效穆伯長十首

山墅幽居好烟霞紫翠鄉近窓皆水色通屋盡花香報曙  
啼鶯慧鷲春乳燕忙莫須煩帝畫淡艷小林塘

山墅幽居好陰霏長綠蘿地藏禽響異門掩草香多曉日

明媒雉晴峰對牧鴉有時隨野豎吹笛小紅坡

山墅幽居好隨人事宜祝雞行蟻盡乳火穴地移瓶瀆  
清泉煮厨烟落葉炊藤香和棘刺扶補便成籬

山墅幽居好清深託靜深鑪薰太古意方冊聖人心霄漢  
詩情到秋毫字法尋開簾散踈嬾燒燼落花陰

山墅幽居好花時不惜情前身曾作蝶有夢亦隨鶯艷得  
渾無格移來不計程每煩人客到指點問何名

山墅幽居好工持結夏規靜扶楓本釣沉筭竹根基引蔓  
陰蘭甃覘泉澮菊籬夜涼沙上步和得採菱詞

山墅幽居好農談到夜分側林斜淡月遙石長幽雲鄰屋

燈明盡磚爐酒氣聞兒童催就枕露點落紛  
山墅幽居好秋苔席月明伏龍扶甲影飛鶴  
清丹極星辰淡玉衡殘荷兩三畝時聽  
山墅幽居好加籩不外將帽紗梨谷露衣  
疑仙教蔬珍共婦嘗一竿元放手風席碧  
山墅幽居好瓶儲歲計終問梅經古刹看  
寒漁雋麀躑晚獵蹤速鄰相勞苦竹閣炭  
香濃

讀晦庵集

劫重魔偏勝言高俗每疑屈伸應有待真偽竟難知  
燒燭成花處看書徹卷時嫩涼秋滿院蟲響起前墀

吳仲谷來喜雨

山居難適俗到縣動經年偶出成奇絕相看各粲然  
酒深孤菊外燈淡小樓偏草草首陳事他時倘有傳

贈盱江黃季與往宜春訪舊識孔知事

此地忽相見驚心十載期未詢行處事先說別時詩  
小市見人喜北風征帆馳如何不整駐總是舊相知

牡丹

異錦星孫巧竒雲夢女神珊瑚離鉄網翡翠糝金塵  
天上花難並仙家畫莫親如何元化力獨釀一根春

除夕

我有百除夕，遂廬是處安。翻因歸路近，始覺到家難。浦隔鴈聲落，蓬孤燈影寒。家人應共說，賓閣尚盤桓。

五言排律

節婦周母鍾氏挽詞

毓德推閨秀，來嬪盛壺彝。詩成自誓日，孝盡立孤時。被教三遷早，娛親一檄遲。里門人共式，汗簡史應垂。燕喜高年集，情深愛日馳。丹砂蓬海淺，絳節婺星移。松柏眼龍近，風煙過鴈悲。區、劉子政僅就挽人詞。

陳峭軒挽詞

良璞未有識，需時為席珍。淺清滄海地，齊汨呂梁津。桂楫以前溺，杖屨入至神。千金何瀆魯，六印不酌秦。瑤圃花光曙，麟洲酒影春。青鞋天地闊，緗帙古今陳。遇物聊施愛，於情每以真。百年椿岬屹，四世玉嶙峋。盛德誰與讓，能言寫未親。仲子今已矣，碑版屬何人。

陳提舉挽歌

虞日來儀鳳，周郊早畜麟。方推王式化，已客馬周身。事合符休運，才猷接近臣。東朝深雨露，北極上星辰。儼直宮闈密，官箴簿領勤。剝繁蘇劇縣，決訟龍言豪。民餘事脩庠，序高名動縉紳。奉微資筦庫，蒙冶刺輸銀。計日堪終國，知年急養親。統酌三釜志，遠造九京人。陳寔家聲在，吳兢史筆新。

徵銘宜狀實痛妹最情真秋雨昏山色寒烟黯黯路塵蒼茫  
幽窵處哀挽競傷神

梅

竒植遺山澤英姿照古今醲薰貫三極負色表千林年運  
神孤王陰凝力獨任太清涵妙影元氣託芳心薄雪村  
淡輕烟澗陰蒼茫何見晚解后卻愁深南紀開春事幽  
情寄碧岑自怜餘短策相對蕪孤斟

移菊

僅得林間趣閑尋菊本移人家深竹裏楓葉夕陽時汲井  
澆畦潤將鋤下手遲護叢愁蕊損帶土怕根知每被歸樵  
問深憐冷蝶隨寒香生徑術幽事補灣碕斗柄西北落雁  
声霜露垂裴回繞叢畔自笑可能癡

寄程承旨

元凱同巖召留班錫異恩聖神思治切宗社有公存地立  
鰲峰峻天依鳳闕尊臯夔倅道合旦與共心論旋斡時雍  
化丕揚祖烈敦克文嚴大典虞采倚昌言卦氣丹凝鼎星  
符紫照垣竒齡端碩德寶曆肇皇元花竹蕃三谷雲霞煥  
九門相望清晝永朝下酒盈樽

皮氏逸亭

地僻歲吾逸隨宜託教椽池新何許水楓壽不知年竹讓



前林月花歸隔浦天綵鱗孤鏡照幽呀四窓圓曲几清時  
裏間心太古前入因添曉起出每及宵眠句得思仙寄棋  
高許客傳乾坤餘嘉簡勲業老觥觥智有過榮計先求勝  
祖鞭太章短束極夸父恨虞淵世共稱工者吾知付莞然  
他時耆舊傳應指某公賢

黃體元別業因梁為亭范德机榜玉壺冰揭曼碩

賦古律余賦今律十韻

何處來竒璞雕鏤締構工置之孤嶼外渺在十洲中石色  
搖晴雪林輝貫夜虹貪寒龍伯到爰潔鶴仙同拂席柳陰  
綠繡書花影紅盃增碼碯<sub>必</sub>堂簾訝水晶空可倩凌人守休

令暘子通凝神塵自遠比德日應崇穉窄堪容隱藿清亦  
策功試言蔚宗輩好為傳壺公

送咬住僉事赴南臺

英蕩來江右人歸水鏡中豺狼當道失麟鳳在郊容玉尺  
嚴於已金鈞聽以公龍沙方集雁烏府遂乘駟不逞枰彈  
巧惟恢宇量洪列城瞻朗月南夏洒清風五漾檣竿采天  
搖酒影紅若為談去住猶未遠幘幪紫極星辰切青冥兩  
露同遙知秣陵水直與析津通

送董方達赴廣東

與計曾偕上承恩列杖官黨序為長易藩府事人難秩幸

三年滿朝無一迹安要荒乘遠障巡徼謝儒冠行理書藏  
減嚴程水驛寒庾梅留雪待韶石帶雲看歷々多竒境層  
層下激湍山藏蠻鳥怪峽東夜猿酸潮上雄都近煙稀小  
市團蠻人行獵熟獠婦挈瓶歡俗險平為貴民疲猛易殘  
長教榕蔭綠莫戀荔枝丹善政宜無怠清名自不刊九重  
未少急一旦在朝端味勿貪珍異衣唯稱袷單好成南海  
集端權候江干

寄題凌氏橫舟閣

世有要津路居當野水濤千年濟川事一片渡人心天地  
披眼暮老風煙弄笛沉岸花時自落沙柳坐成陰艤棹堪誰  
待臨河有噪音行車常自尼吾賊固能任人物多豪俊江  
山幾古今巴東竒傑句為尔一長吟

知非堂藁卷之四

七言古

臨川何中太虛著

後學孫東菴何

雅言編集

趙郡管時中校正

與井東溪

風吹嶽倒黃河傾漢家老死飛將軍洛陽宮門銅駝哭  
 聲遏盡南征雲忽、五馬歸何處吳山楚水相吞吐英雄  
 豪傑咲殺人新亭揮淚中流語佳人別去吳王臺空餘舊  
 曲今人哀往時射策談江北夷甫諸人安在哉春風吹老  
 千桃李短笛淒絃風雨裏荷衣蕙帶謾逍遙杜若洲前鴈聲

起君不學少年快馬曲景宗步逐狡兔彎強弓君不能少  
游段居鄉曲得稱善人斯亦足 何悲辛彊把哀吟

感鬼神高堂唐夢斷行雲香雙蛾翠黛為誰春垂楊雪落江

南暮江花江草蛛絲露人生何處無知心背人鴻鵠雙飛

去為君起舞為我歌古來賢聖良蹉跎區區離合若為動

羅敷陌上感慨多山中仙人最高潔不比常人夙葷血願

君舉似徑畝詩今古何曾異明月徑畝有山中仙人歌東溪常見之故及

漢宮春

君不見漢宮六、多佳麗露花半染雲裾翠少翁招得夫

人魂孤鸞夜啼月波墜趙家姊妹專風流雙蛾不識人生

愁夫容並帶歌一朶西飛青鳥徒離憂飛龍翻、上天去

雲幕椒房土花雨墮膩埋胭恨未消香魂尚寄寒莖舞人

間炎日焦衆芳肯隨葵藿來傾陽柔情幽怨透地脉煙幃

寂寞彊成粧誰吹舊曲綠雲切寸心婉、應愁絕綠羅綫

疊御賜衣紅綃半點守宮血淒兮媚臉栖餘妍遙憶羊車

望幸年至今一片巫山雨化為飛烟空潸然故家陵苑孤

雲外綠樹如雲草如海殷勤唯有虞美人同向墻陰弄晴

霽

春怨

浴人傾國賞牡丹東家繡轂西家園黃鸝紫燕新得意柔

雲如酥花迷魂遊人寂、歸何處花亦年、古風雨江南  
却遇李龜年蘇州空感楊開府誰吹玉笛斷人腸斜橋淺  
淺流水香惟有千年老銅狄看盡人間幾夕陽  
天女手剪五色雲鞭雷控電行青春散作江南萬錦綉燭  
龍眩轉空無塵燕兒眼寒心更苦吳娃情酣夢無據依然  
錦繡化為雲却恨風來扶雲去十二樓邊芳草多知今鸚  
鵡聽誰歌千金買取新豐酒地久天長耐樂何

讀羅時翁燕山行稟

去年送君萬里行英雄氣富乾坤貧今年君歸未會面燕  
山行卷驚倒人我從江南想江北八陵草暗孤雲白夜窓

灯火讀君詩一段奇愁貫地脉燕山、水負雄奇千五百  
年君有期荆卿等輩了不見咄、怪事令人悲黃河西來  
走東注太行山高壓中土河山壯觀帝王州萬雉城荒土  
花雨宣和玉輦去無蹤蕭條良岳搖秋風東霸城邊見銅  
狄廣武戰處思英雄天地空荒形勝老兒女終身不能到  
北征詩後斷無人騎驢獨向長安道長安道上新豐徒恠  
此却與南人殊天下久無快意客此客乃尔雄牙鬚即事  
非今亦非古牛鬼蛇神萬妖舞千里萬里種奇語要與嵩  
華爭步武人間官不直一錢歸來添得詩一編堂上稱觴  
拜親壽膝下讀書忘歲年要狂即狂已即已丈夫做事當

如此何由相見共君談寄詩問訊聊復尔我今山中一處  
子滄洲滄洲天下士滄洲時翁自号

用歐陽文忠公神清洞韻題羅士昂所藏米元暉  
神清洞圖

潁陽之山翠煙深仙人不見勞我心  
藂峰峩々照空廓白雲欲飛石欲落  
此中不着人間客採藥歸來花滿石想當  
飛鳥墮層崖數聲清嘯驚瑤臺  
山蒼々今在眼舉手招之殊未來  
潁陽之山夜鶴飛仙人不見歸何時  
神清之洞有幽客應向洞中覓  
白石洞前岩下仙家春幾片落花雜  
飛溜高下樓臺縹緲霞綠樹不老  
青山壽王生邢子意殊

勤恨我隔此浮空塵安得碧雲千萬疊  
栖此人間謫墮身

又

元暉昔作西江客夜飛墨花曉無跡  
春風留此二百年幸是山中至人識  
有千黃金雙白壁

山高風露寒幾處高堂掛生色

送曾子文靖節詩駐

一馬東浮南北分吳宮桃李春正暄  
英雄慷慨有餘恨誓

對月選本補

秀溪白蘭幾數尺  
款易山高風雨路寒  
緯終投機山能平地心非石賓王從此是絲衣  
夜看五杉

如此何由相見共君談寄詩問訊聊復尔我今山中一處  
子滄洲滄洲天下士

滄洲時翁自号

用歐陽文忠公神清洞韻題羅士昂所藏米元暉

神清洞圖

穎陽之山翠煙深仙人不見勞我心藂峰峩々照空廓白  
雲欲飛石欲落此中不着人間客採藥歸來花滿石想當  
飛鳥墮層崖數聲清嘯驚瑤臺山蒼々今在眼舉手招  
之殊未來穎陽之山夜鶴飛仙人不見歸何時神清之洞  
有幽客應向洞中煮白石洞前岩下仙家春幾片落花雜  
飛留高下樓臺縹緲霞綠樹不老青山壽王生邢子意殊  
勤恨我隔此浮空塵安得碧雲千萬疊栖此人間謫墮身

又

元暉昔作西江客夜飛墨花曉無跡春風留此二百年幸  
是山中至人識有千黃金雙白壁  
山高風露寒幾處高堂掛生色

送曾子文靖節詩駐

一馬東浮南北分吳宮桃李春正暄英雄慷慨有餘恨誓  
江直欲清中原五山忽拔神仙宅長風吹轉銅駝陌乾坤  
千古此哀新琵琶有聲言不得當時紫損君黛眉意欲恤  
緯終投機山能平地心非石賓王從此是緇衣夜看五柳

先生傳長恨斯人不吾見  
難將送祿道春秋此身不是耳  
為賤千載東籬一世豪君今躡此清風  
高零陵哀憤從誰語心不與契安知陶  
琴本無声亦無趣悠然忘返中情寓  
一編箋出許多愁耐何此世非劉裕  
杜陵正值落花天江南又見李龜年  
傷君曲調空遼絕吞聲独咽山中泉

山高風中秋走筆

忽不知秋已中起來望盡江之東  
天風吹上一片月萬古有盡明無  
窮自歌自酌自起舞失喜墮在明  
光宮湏臾見雲不見月九州之外  
俱昏濛我狂絕叫天何聰乾坤如  
此寧忽忽江流真真上有楓雲邊  
又叫南蜚鴻有酒且醉無酒可有  
月不與無月同丈夫意氣見石裂  
直欲掃裂雲皆空低徊一笑良自  
悟事与變會誰其違仰看雲月勿  
復道西風落山人睡覺

塞野縱目

讀書萬卷不經濟懶境最佳工  
坐睡手持綠玉信步行穿破麥  
花到林際紫回空谷含幽光  
隱映深松發清吹北風掠野牧  
者誰牛影參差霜草悴一牛閒  
卧意方安童子何知鞭已至回  
頭一望盡天南高下千峰洒濃  
翠近村遠浦合寒霏落木平林  
歸暮氣世工善盡貴逼真悠々  
真境誰能契古來文章亦如此  
真處看來有深味競為幻語欲  
幻



人敢向人前辨醒醉歸來，勿為留幸有禽声滕子沸  
道傍湖中小白蓮花清香可愛野人名曰玉蓮  
浮葉團，缺一角開花皎，玉新琢洛神湘妃不足倫太  
白醉魂寄蕭索過客誰能知妙香春風奇稟勞陰陽可恨  
有此白玉質謫在江南荇藻行古來名花傾城國綠珠樓  
下沉香北岫然更用世人看搖蕩平湖水天色

高困四時歌

春風東來汎幽谷出門一笑人間綠  
新雨池塘柳帶鶯鳥嫩  
雲洲渚沙眠犢一蒙一笠東西村天高地下斯人存  
歸來醒醉聊隨意翠樹無言花滿門

陽鳥炎之焦九土老農吁嗟氣如倭山中神化出移時一  
片閑雲半溪雨誰家金谷有涼臺葵扇桃笙爭自媒清風  
却在長松下不須用智不須才

楊柳磯頭天萬里長笛一聲風不起翠灑千峰日映烟清  
涇復澗霞通水季鷹底事却思歸豈是鱸魚輕別離晚知  
尤悔又何益灣頭釣竿君好持

寒鴉萬點落葉赤山風蕭，野日白池上梅花俱有情林  
間茅舍元無客人言梅花知歲寒花亦偶然冰雪間向來  
群芳令欲盡蘭芽已動春將還

宿紫玄洞天

閒招隻白鶴，駕我吹玉笙去。謁紫玄君飛，入青真石古。  
天風吹不剝，銀漢殘波崖畔落。萬年碧樹春長花，間弭  
節聽天樂。戲拈北斗柄，細酌瑤露團。八面煙霞滄海曙，四  
垂星月碧天寒。珊、曉珮人間去，萬頃飛塵入。揮塵徜徉  
九縣賣金丹，解后千秋人未度。

羅士從真一酒歌

大槽壓白流，醲泉小槽滴。紅血啼鶻多，誇妙味觴玳筵詎。  
知毒留不可，湔工調錦瑟。思華年薰風阜，民終五絃法吏。  
廉潔終申韓，閔睢麟趾意。莫傳岷峨之山來，坡仙鞭馮駕。  
鳳嬉人寰黼黻王，度勳柱天餘事典。酒亮本源坡仙仙去。

今幾年真一，秘法空遺編。餘禎居士何曾禎，乾坤萬事俱  
精研。真參真一忘蹄筌，高鳳麥塵霏玉鮮。淵明林顥珠明  
蠲，幽澗汲月分清漣。水火交濟陰陽全，三投釀令味溫妍。  
其芳周徹客流涎，杜儀足蹈舞九京。揚箴劉頌俱浪言，皂  
隸八仙奴七賢。持澆朽骨應汗顏，東風吹綠花盈川。冷、  
鸞吭韻清圓。此時一酌神超然，至和氣象身周旋。頓挽淳  
風追古先，如出無懷大庭前。回視鏗薄吁可憐，若真若一  
初何難。其為弊法相牽纏，治道貴簡不貴煩。為君長歌真  
一篇。

吐、啣、夥奇哉維摩引臂何方來忽而玄雲飛出老龍  
黑黠 鱗甲乃是皴、不剝之枯苔三極兩極鐵作髯十  
點五點小者如珠大者如雪踈 驚失正視似龍非龍  
徐看畫得蜀苑吳仙梅、花江南 童亦指點毫髮不  
相似枰彈舌閃、燕山飛雪飛無時 貴梅一枝安  
得幾材二百五十匹煩君多 短幅 火室

贈陳仲實

春風吹空雨溟

子濕衣花草生客來  
眼直睨傍無人醒我蕭條

繞几簾不捲燕

數口疊、撐

不齊湏更反

覆渠得知馬前之奴忽極品

貧中富賤

中貧金谷樓下花滿園不知仲蔚

印堆床

十九枚不知敗絮牛衣那得是子陳

還是

車如

流水馬如龍相逢好為細說少年行

寄題踈山寺半間禪房

往時汭沂盱毋川李花陰、曾係艸丰茸沙草取出徑扣  
關一禮白雲禪千柱空廊絕人跡蒼苔亂點蜚紅妍松香  
四襲翠滴雨江影半侵明暝煙鶴鶴流声出岳谷輕霏忽  
散風鏘然長哦欲寫不能就每寄清夢時周旋秋風吹空  
客如仙名山有記持相傳迺知曇花解重現彈指一瞬五

百年經閣香臺雪，幾春戲成小果留。人天先師吾鄉白雲  
寺，卓錫尚令題榜鮮。半間之半可着我，呼童亟辦青行纏。  
身前旧境餘一念，定許鄰舍香茅編。

別高申伯

江南浩蕩春風滑，信意南遊可竒絕。神光直射瘴雲開，陸  
價先聲到南粵。南粵瘴子一千六百里，春風却在梅關裏。  
關頭飲罷卓錫泉，前迎無限佳山水。最好望韶亭上者，三  
十六峰太古之色拂天半。恍若后夔騎鳳從天來，帶得虞  
廷九奏韶音回。此時恍佛聞之應，思虞舜不忍去。唯有山  
風海月相追陪，舜峰之下韶陽廟。忝心餒魂何足弔，盧能  
遠矣莫問曹溪禪。湏陽峽裏不充聽，妖猿直下廣州城中  
去。城中公卿多自賢，賢官湏庫亦是官。善事使長官無難，  
此心不與物俱轉。三年偃息人已安，著就新書不妨似陸  
價。若論功名正恐陸價出君下，林間荔子海中魚尾甌。名  
醞日，沽千歲之棗。安得長相寄人來，時寄廣州書。

送皮德昭之官武林

羨子才如渥注馬，萬騎嘶風俱在下。霜蹄如電不足飛，天  
上良星愁控靶。如何不歸十二閑，遠放江南沙草間。一朝  
駮入東吳去，看錦繡旧江山。故宫土花無點碧，流杯流  
水誰移得。萬古乾坤萬古空，英雄無淚可輕滴。回首一百

諸公二句疑有錯落

六十年閑將議論當籌邊諸公何恃，江水解容偷渡舡  
壁月無情瓊樹老遺恨滿腔不能道留連一曲後庭花待  
得楊堅何草，海門自闢潮自來礼華樂葉保寒灰東風  
漸搖堤畔柳晴雪欲挹湖邊梅平生久作徑行處羨子東  
行問征路一官何用計崇庫好聽吳儂說新句嗟我与子  
如有緣相逢相別不期然龍杖堪騎定相訪馬塍花下酒  
如川

郝思溫太字歌

號東山雪菴高弟

東山手提雪菴筆，中出此萬鈞力重如岱岳鎮坤維奇  
如古鼎躍泗側點如滄海之碣石直如參天之古栢曲如

老龍恣盤拏橫如方城立鉄壁快如大澤斬蛇劍妖變幻  
魘皆辟易巨靈引指太華臂三千獅子座舉臂可移得偶  
然揮毫長世間壯士不能擲瘞鶴銘摩崖碑後來者誰，  
繼之我嘗見龍溪之字大如箕五百年間無此奇雪菴老  
東山子優鉢曇花重現世崑崙以為筆東溟以為硯青天  
以為紙為我寫太平两大字持獻天皇九九八十一萬歲  
我歌尔字我老矣

題江南煙雨騎驢圖

風蕪、雨瀟、渡舡未度山相招騎驢不知前路遙、  
抵何處南山之南且穩住莫向長安街上去京尹今無韓

吏部

送朱縣尉之官贛城

秋風吹舫上重灘  
前茅未到聲先傳  
官能捕賊如捕鼠  
直擣狡穴不一全  
上功得賞來此郡  
威摺獷悍皆服田  
城南城北雨新足  
香稻滿野歌盈川  
倚空吏瘠弓力廢  
尋常旧業開芸編  
鬱孤臺高俯流水  
崆峒山碧迎寒烟  
張梨如孟柿勝蜜  
美酒可飲不直錢  
茶山詩派有續者  
隨時唱和多新篇  
聖朝無煩上封事  
第一莫學吳門仙  
方今儒臣易進用  
九遷何用終三年

菊歌

山水之村沙路乾  
風清日美情閑  
松陵公子好事者  
千株異菊培庭間  
素娥天孫娛清夜  
從以群仙彩鸞跨  
盡收四天五色雲  
巧粧絕艷鬪新雅  
紅玉琢成深淺紅  
赤金抽辦金瓏瓏  
睢水妙手簇冰鷲  
間以孔雀堆紫茸  
洛陽牡丹枉嘉譜  
西園芍藥何足數  
造化工多良  
獨難逢花不賞將  
何歡君當歌我當  
舞花亦欣之欲相語  
不須定限一日三百  
杯不須腰鼓百面如  
春雷但願樽中長不  
竭諸公長在花長開  
世換花之換世移根  
改色年之異一番花  
樣一番奇看到伐毛洗  
髓幾番持

送程學士

洞庭之水銀河通  
手提白華行清風  
歸來綠野按幽事  
青山低昂馬影中  
時從賓客娛泉石  
不省麒麟誰第一  
中使傳宣下九天  
闕河秋光照飛駟  
彤庭引見宮雲開  
問卿安在  
今肯來  
暎天顏喜百辟  
在列俱首回  
皇元經制

宰九有曾侍先皇  
討論久登庸者俊  
微舊聞宗社靈長  
自天祐中書堂中  
庶務清四方萬姓  
歌升平應無事可  
商略定見房杜藏  
功能我從諸生立  
門下別公敢把深  
衷雁子房衣著未  
足高伊呂元年退  
身者力竭忠嘉谷  
主知

此東南誰當續王庭石介頌脉千萬祀無窮期

曾港行

西來天塹長大波如山  
險莫當黃蘆未花秋黍熟欲

吊倉茫十六年間老師相格天勲業伊周上儀真

使客

襄陽將軍儘降將西園價積鄙塢金伴食光

禹趨雄韻泐官

清坐高拱赤烏雍容衆口瘖葛領祥烟

籠甲第吳姓理曲爭新壻珊瑚枝邊酒影春水晶簾外花

香醉主君千年萬年歡甲光如水邊風寒虛傳奇士畫三

策臨危諱病醫良難古來何限韓擒虎天馬如神解飛渡

出師拜表真孔明不計

九節度半間堂前香掃塗閣

中諸客今何如前時晉公魏公語今日驩堯苗鯨書殘月

無情上陽曉木綿破

閩山道潮落潮生人不歸陌上花

開幾番好

采石

樊公推亡不遺力  
虞公中興偶成績  
百年俯仰感慨多事  
不天假終無益君  
不見李太白高才  
絕世何不直但令  
供奉行醉墨倉卒  
纔為冰玉客萬里  
漂流夜郎謫人生  
有知嘗自適飛絮  
浮雲本無得青山  
丘墓何足惜向來  
金鸞殿日落狐鳴  
秋草碧

車碌碌

車碌碌、車上行人雪中宿  
三更驅驢聲陸續  
頓憾肝腸眩心目  
霜稜飛刀風激鏃  
荒郵無烟抱空腹  
橐駝不收馬成

簇暗裏低心避  
群牧望斷海光上  
東旭未末天低星煜煜

黃河道

黃河道漠、黃沙覆枯草  
依然南北兩空堤  
上畊人長索棗人心  
百計當若為古來  
河水今南移平原  
縣前好沽酒車夫  
鞭驢莫回首

龍灣阻風次日舟人无行解舟風回喜賦

東風吹舡行西風留舡住  
蓬鬆黃頭郎作底使風去  
蘆蓬兩扇當江開舡、相趁  
風初回龍洲煙氣隔洲  
失宣化山光隨棹來潮頭  
又上推船走一時便過新  
河口兩人勝負蓬底棋舡  
行遲速人不知黃頭郎  
穩扶柁信風宿大信內



色花枝紅采石酒波春水綠

長風沙

長風沙酒旗斜風沙有情留郎任勸郎莫向前江去前江  
去轉風波牛渚圻邊湏過得皇天蕩裏奈郎何郎舡但係  
門前柳唱曲好歌勸郎酒與郎不是平生親憐郎却願郎  
長久郎今必去當何為教郎解有思人時

山碓碓

山碓、石碓、一灘翻下一灘惡青衫黃帽扶招竿銛鋒  
如戟波心攢打漿失手能盪過扶竿失眠舡隨破三山城  
中女如花高樓酒賤多魚鮓荔枝林中尋屋住上灘難轉

莫歸去

冲虛宮景真堂

怡山東麓堂靜深欲尋真景真難尋華鐘時款貞明韻

王審知時

秀木遮懸天監陰王伯梁天監中飛昇天風颺吹余髮戲縮幽藤作條

脫騎鳳簫鷲鳥石雲降龍劍照古山月丹鑪藥竈長周旋

六時采擷三芝鮮蓬萊書札失幽約幾度歸潮深碧煙

丫娘回

丫娘回西禪寺裏粥鼓鳴殿前殿後荔枝密葉落當掃草  
久生衣裙潔峭若鋤輕戲將苔石閑敲鏗廊陰同伴咲相  
謔話字難通知有情緝園花香日易晚行童遲打昏鐘聲

古秋夜長晴雨二首

壁帶懸素琴衝牙起瑤林月寒文甃百虫語簾外桂花香  
雪深繡茵暗輟雙龍枕紋笥密收團鳳錦西隣少婦咲齊  
看寶帳芙蓉携醉歸獨自佳期長是誤璿霜欲下雁驚飛

又

雲浪流碧虛雨花散前除西風紅葉石欄曲畫併寒聲歸  
綺疏回文續罷雙蛾斂城上啼鳥稀漏點東家嬌小乍迎  
郎沉水銀篝殘晚粧灯裏鏡臺閑自照紅顏相似夜偏長

題廬鴻十志圖

崖欲脫峰欲飛水洒々煙熹々石間老樹不老色翳蘿懸

陰石入黑調琴未了趣觀泉十處竒踪日相迫紫虛萬里  
丹霞開直上倒景之高臺佳雲好花滿嵩少仙友為我今  
歸來莫嫌登山脚曾踏東都路姚崇宋璟可人故不然豈  
肯容易出山去

擬峴臺

擬峴臺山如孟樹如苔臺前東風花亂開流雲藏雨花間  
來花根得雨新綠催花枝隨雨成香泥神工鞭策不停手  
七尺容形爭好醜桐林嶺頭木香酒百錢一盞當酤否

雪中度崇仁望仙峰

游樂之溪清可沁天風剡々山盤々愈行愈深愈幽邃疑

有仙者棲神丹椽木怪藤鳥鳴谷綠潭青壁龍嬉蟠裴回  
賞爰不能已步、駐目搖荒寒、雲平凝帝惟安急霰亂  
下珠璣完忽而兩崖蒼、散花雪板橋石路浮雲乾交迎  
密撲迷欲眩怯下疑高行自難凭澗茅房所居雅叩門煙  
火相依安澄渟夜氣造寧極嬰安冒曉凍追珠觀忍觸瓏瑤  
縱健踏喜聆環朗藏鳴滿疑是湍漢手豳不垂偃杉竹懸挂偶脫爭  
崑崙前源未窮取危磴直上百折陵嶺屹新爪痕、過飢  
虎高翰葉、遊飛鸞俄然獨立倚霄漢波濤翻海鎔銀寬  
双瞳四徹洞萬境肯與塵界循夏端寒余看雪知幾處  
何如此時望仙峰上看仙之人兮來不來浩、元氣與我

同朝飧

題五馬獵歸圖

秋野肅、秋草萋、天空雁度呼鷹時一馬前行四馬隨  
前者回顧相指揮最後兩人俱下馬一人拱手俯聽之一  
人拏麋毛色肥角弓在強箭在房人馬意態何遲、知從  
底處射獵歸莫是營州少年并州兒閨中貌此知為誰筆  
力精勁妙莫窺我疑此畫有似汲塚古書出蠹簡殘迹有  
缺遺不須完足自可寶古人日遠何由追嗚呼古人日遠  
何由追

黃氏南園歌

南園花南園花白於雪紅於霞深處定有仙人家花陰亂  
駐七香車山香伴舞花不老花艷直上搖金鴉瓊膏一吸  
香入骨醉呵金鴉不令斜南園竹南園竹寒於冰綠於玉  
割得何天土一丘炎官雖炎誰敢酷天山太古雪皎皎  
蓬萊絕境風蕭蕭白鶴翻空啼一聲下占清陰對棋局君不  
見古南園錦茵紅皺琵琶弦珊瑚碧樹沉水煙嘉賓列坐  
鼓咽白石詩句吟成編放翁記文筆如掾挾策博塞若  
為賢撫掌一笑睨青天不如花竹之間汲清泉且取粟粒  
香芽煎

題五公寺壁畫古柏

坡陀堆甃挺雙栢槎牙直上不可計尋天元氣所融結通  
身是骨力醜怪形狀古黯色作柱擎天等閑事世間萬木  
俱難敵栢根水流湍鼓舞風雷吞吐日月使年惟有雙  
栢牢萬牛回首春天高看得孔明事業如鴻毛

由空塘舟行至臨汝

盧鴻十志者不足愛雪貪行雪相逐晴風吹散北山寒三  
十六陂水初綠黃洲拏得翠蓬舡松筠篠遠煙成淵陂聲  
疊下灘聲惡鮑照却歌行路難

山中樂效歐陽公

泉疑誤

東方風回春山道趁暖行歌齊華泉溪源露歌逢藥苗石

徑煙輕掇芝草紅英洒地燕將乳綠樹添陰鶯未老入簷  
魚鰕朝赴饌項筐笋蕨夕供芼山中之樂誰得知我獨知  
之來何為水竹沙頭閒檢校村、簫鼓太平時  
堤柳綠搖新卷畫石榴紅帽嬌裙袂連蕩風閑翡翠歌菱  
塘雨定鴛鴦下溪女浣紗朝出村行客飲水暮歸舍瓦甍  
手挈隔年醅石不坐園明月夜山中之樂誰得知我獨知  
之來何為空裏烏蟾飛影過桑麻課效勝書帷

空山一夜生新雨涼起賞心千萬緒扇團自守不依人桐  
葉知幾尋脫路隔隴咲談雜樵牧臨流賓從惟鷗鷺旋庖  
蘆葍美勝酥精浙新粳香滿戶山中之樂誰得知我獨知

之來何為青林紅樹人煙濕護得金橙密處垂  
千花重作陽春節野杏山桃隨處發莫思前度看花誰已  
見新墳芳草歇穆山、下數灣月華山、崖千丈雪幽人  
独在雪月中要與梅花成四絕山中之樂誰得知我独知  
之來何為除却山家新臘醞世間無事可相宜

龍霧洲

時大王有南行者

龍霧洲水油、中有驛馳南越舟庾嶺瘴天雲不收直到  
海邊天盡頭天盡頭茫茫、金珠璀璨平斗量鴻毛性命  
此難忘檻車何事招巫陽不如回雁峯前雁、門舊侶年  
年見

陵山館辭

陵山兮蒼々，仙之人兮何鄉。遭余陟兮巘嶮，援碧巖兮不  
迴。以遠草靡兮芳華，續々顯下方兮凝翠。氛出館兮椅樨，  
待來不來兮背空碧。七鶴駕兮曷追，漱余懷兮排側。燁三  
秀兮潔餐，養靜貯兮陵山。挹太清兮撫元極，聊逍遙兮永  
終日。

知非堂纂卷之五

七言律詩

臨川何中太虛著

後學

孫何賤雅言編集

趙郡管時中校正

與胡山村

九萬風高力控搏，偶然倦翼墮塵寰。閑聞說到乾坤外，知  
已誰當伯仲間。何地可堪容一榻，榻亂雲相隔失三山。方來  
亦有無窮在，未必先生可得閑。

平生再拜一何難，昉得陪從杖屨歡。大節熟聞諸父語，高  
風還許後生看。茶邊道義松風盡，酒外興亡竹雨寒。別去

幾時能聽法秋深桂馥重凭欄

送李仲章遠遊

風笛無聲笑指空出門誰碍更求通  
一帆千里客何遠王氣雄圖江自東  
赤壁驚鳥飛夜月衡陽看雁落秋風人間  
興廢不須問詩在江潭柳影中

秋懷

萬壑東歸晝夜流人間自是本無愁  
不悲白骨塌秋井尚恨華屋歸山丘  
此事直須一杯酒只今何用萬里侯  
明朝且可尋黃獨荷鍾徑往西山秋  
采：蘋花可佩香依：橘柚未全黃  
人行塞北非征戍鴈

過江南有稻梁短笛踈鐘來別浦  
亂鴉飛鷺共斜陽西風擾：知何似  
看見黃花滿地霜

歲菊

黃玉為裝好自脩天寒身被翠雲裘  
直於歲暮標明節那向人間立晚秋  
湘澤忠臣終憶楚柴桑處士不歸劉  
謾將二老閑題品寒照踈籬一片愁

除夜

身外須知摠是空書生何處覓窮通  
自緣一歲今宵盡獨坐殘更數刻中  
學有淺深心勿畫詩無今古句難工  
不知春到池塘未一夜簷間花信風

閱穆陵丙辰御賜進士詩

後代忠臣擢丙辰穆陵魂斷北征人  
長江浩漭傾吳越九野荒漭嘯鬼神  
鵠血縱乾難返蜀烏頭未改竟留秦  
琵琶絕域千年恨青塚黃雲不識春

大水

漠漭陰寒疾漭秋濁波如屋蔽空浮  
聚灰莫試媧皇手噉石虛存精衛謀  
逝矣棟梁歸大壑累然益益塞中流  
鷓鴣聲苦行人斷且向江南具小舟

雨中

雨滿寒空風滿林閉門十日自悲吟  
不知補袞從誰語尚

許傾陽見寸心書史軒窓雲氣潤  
蕙蘭蹊徑鮮花深好風為我吹晴未  
欲釣清溪坐柳陰

炎夏如秋氣已遷老天奇變亦多端  
山橫北牖陰雲合人對南山暮雨寒  
江海窮居無米易古今適意得詩難  
亞花落盡幽禽語坐看千林擁翠瀾

八月二十八日

黃竹哀歌世偶傳佳期應待後千年  
曲江宮外看蒲柳凝碧池邊聽管絃  
古往今來人化鶴天長地久帝為鵠  
蓬萊水淺應聞似徐福歸舟已失仙

夜立



真、無復辨秋毫天映諸峰湧翠濤萬里明河流眼去三  
更獨雁倚風高南隣締俗秋難貸隔舍歌呼夜更豪只有  
殷勤木上坐共聽枯葉響蕭騷

臨川道中

路隨一水曳長煙秋入重雲擁亂山過眼向來草屋處寸  
心不挽盛時還紛紛世故行人亂漠漠林扉白鷺閑忽遇  
長空飛驟雨春泉一派落松間

穆山書事

深虫三百有六十其長相殘更斷魂細共漁樵商世事獨  
尋鐘梵到松根蟬鳴晚日濃時樹鴉落秋烟淡處村難覓

飛車遊海外直隨藜杖信乾坤

晚步

歡適常看好景稠悲吟偏覺滿空愁碧雲忽作紅霞合翠  
靄俄成紫氣浮笳緊山城鴉翅亂人歸江路馬聲道老天  
遺我多奇變着在江南澤國秋

曉晴

雨意將闌天自休細穿詰曲聽鉤輶千山欲曙微霞吐萬  
木含春溫翠浮孤塔遠知城尚近空江猶似古來流遠汀  
花落白於雪掠地風來嚴似秋

孺子亭

先生不是早知機，所恨諸賢喜有為。共立名稱空自異，竟成朋黨敢堪悲。當時僅許陳蕃識，此意只應梅福知。亦見祠邊丞相宅，滿墻幽草綠參差。

### 登滕王閣

洪崖山前樹歷歷，石頭渡上煙溟溟。龍分片雨過秋水，鷗倚西風窺斷城。吏部文章餘簡冊，前王名姓老圖經。登臨已費三十載，草草忽令詩句成。

### 次韻彭希爽吳景傳約遊穆山

穆山祇在白雲隈，壁石為門任去來。兩澗寒聲通法席，數峰秋影上香臺。林藏僧梵含風遠，嶺隔山樵戴月回。此地

能令高興別中秋，又近桂方開。

興化軍冲虛官觀贈陳虛一尊師

兀兀山林棲遯身，洞天深處振行塵。客如神放豈樵者，師似彌明非世人。丹水汲餘山月淡，異書評就海花新。他時說著相逢事，皇慶行天第二春。

### 舟中

踈立去帆波渺渺，深籠寒靄樹稀稀。象牙潭上風初急，龍霧洲前雪亂飛。山掩孤鐘分響到，沙盟叢雁逐行歸。彫房熾炭行時令，河畔癡漁擁斷磯。

### 黃氏石闌

北地何年石作園石稜不共鮮花利四時勝日圖芳草一  
塢春風護牡丹洛社賞心遺記在善和先志舊書完明年  
一鷲清秋上文石班高萬目看

諭仲本詩集

鮫室成綃別是機向人定價每疑非寒通海底珊瑚樹秋  
漾天邊寶劍輝虎瑟含風蒼洞遠鸞笙戴月碧雲稀幾回  
剪盡西牕燭又聽山鐘教杵飛

次雪溪上人秋興韻

靈峰寺裏講時茶啜處銅鑪一篆嘉揮麈微言穿溟滓題  
詩險韻趁車斜風回過雁松移影煙隱寒鐘柱重花祇有

新吟猶習氣自餘諸事鬢今華

答清江皮季賢見寄

古人千里夢相求咫尺翻增隔絕愁雲護牋題醒處墨雨  
深樹色綠邊樓文章正法追前哲句律新功卻俗流為問  
幾時護到劇壽楓南畔菊花秋

送族弟元迪

老去逢人怯送行弟兄分手若為情明時難便高才隱為  
客當令遠業成桂嶺寒烟通郢樹逍遙夜雨入彭城明朝  
便自堪回首不待秋風過鴈聲

寄詹正之

幾驛相望兩鬢華書題不寄鴈行斜但令天下稱知己可  
為江南故憶家樂毅臺空煙在樹魯連城圯雨殘花燕齊  
勝事多收拾定有新詩處嘉  
觀除目有感寄皮德昭  
偶傳除目到幽牕坐對撐犁事滿腔知是乘桴欲浮海如  
何陋巷問為邦一庭月冷驚秋照三寺鐘聲接遠撞聽罷  
無眠閑憶得灰心底用要心降

贈直心苦口道人

涼氣將深暑氣收芳華零落思悠悠道人心口如神驗我  
輩窮通與道侔鶴為乘軒能致妬馬因立仗却招尤世間  
只有閑鷗鷺野水如天得自由

無題

鴉尋流水遶村迷雁失寒菰落渚遲老杜舊傳餐玉法史  
遷新睹采薇詩譚空漸入皆空境觀物寧非閑物時閑憶  
年、溪上路梅花開遍向南枝

舟中次涂雲章韻

久矣坐忘如子微元非強學介之推良工未肯棄樗散新  
學何為迎蹙師山路雪深聯轡穩江流風淡落船遲此時  
此景周旋好長遣閒中費夢思

題崔伯明詩卷

海底珊瑚不易收，俄然在手醒雙眸。媧皇煉石天無學，織女機絲月共秋。一草作花生自別，三年刻楮巧堪羞。客牕燈影誰為伴，雨響空欄徹夜流。

壽黃希尹

壽星移次東禪近，甘雨生涼晚梵宜。心地平，真活佛書。薌郁，有佳兒春濃寶樹開，花處日麈丹砂擲。米時知是文，吳俱不老三神山。碧酒盈卮。

送郭竹堂赴南臺

聖代人英第一流，霜臺粉省搃優游。我知陳阮誰爭長，人說皋夔可與俦。願作良臣安用激，親逢治世更須憂。六朝

形勢江山在，且與諸公共唱酬。

題皮季武所抄吳草廬周栖梧孫少初皮季賢四十年前閤皂碧崖聯句後

皂嶺清遊記昔年，彌時傑句儘難聯。公如樂正超諸友，我似延年咏五賢。自古高才須蓋代，無前偉績定由天。世間何限經綸手，獨立蒼茫意不傳。

答諭仲本

閑身未必受人鞿，為要携書教阿宜。素學日從前哲究，此心偏與古人知。由然柳下聊同俗，老矣徐娘已背時。只道莫雲無用處，彩霞五色照天奇。

谷胡器之

記和車斜四韻詩誰期此別許多時但逢來客長相問每  
向無人又入思心在不知身各老語深偏許策同枝空雲  
聚散悠、者底用關愁掛一絲

贈丁教諭

天容仙客果能仙百事精通不等閒未入藻庭陳奏牘先  
從周制作醫官緩尋芳草多諳藥咲指遙岑便說山已得  
一吾人印可更求仗語與誰看

題陳達觀浪吟集

語淺遙知人意深仰難追步俯難臨緱山駕鶴月千頃虎

峽啼猿秋一襟斗極光寒天識劍閣城境絕客成琴馬蹄  
飛電長安近直上敖龜峰一萬尋

袁氏雙頭蓮

芙蓉菡萏冠詩騷一萼雙花少所遭周日夷齊清並峙堯  
天巢許潔同高石丁可是神仙侶楚閔終為兒女曹卧雪  
門庭宜著此露香霞艷映蘭皋

送達海提領

軍山山下舊監州人物科場第一流千尺棟梁宜九室一  
官朱墨費三秋甘泉侍從須楊子貞觀封章欠馬周從此  
金門多應制新詩能寄故人不

次吳草廬花晨韻

我知居士病全安，難敵談鋒舌本乾。  
花外偶迎風日美人間，已作畫圖看。  
江行唱和今猶盛，東閣追陪意更謙。  
吟弄迢迢歸路好，廓然天宇似增寬。

再用韻答周昂霄

布襪青鞋談步安，徐披山徑野花乾。  
可欣久別能相聚，便有新詩得細看。  
七尺形容終解老，一時真契且交歡。  
百年尚遠身長健，若比朝菌歲月寬。

送詹伯昌曹州迎親

步往迎親此役宜，五千里外快心期。  
近曾讀律知名例，早事通經識孝慈。  
鉅野天清緡帙穩，長江風淡布帆遲。  
企予相待封溪上，楓葉蘆花秋盡時。

由清江赤城觀至寶塔寺莫歸樟鎮

自嘆野人多野思，並村隨處意閒閒。  
赤城觀裏折丹桂，寶塔寺前迎晚山。  
隔水歸樵分路散，衝嵐飛鳥認林還。  
祇言十里街頭近，不計黃昏便掩關。

酬揭曼碩贈別

來日君還在我前，歸時我獨占君先。  
冰寒斷道鳴駝外，雪暗空村落鴈邊。  
畫省諸公扶日月，南州孤客記山川。  
松聲多處黃精好，舉手青霞始學仙。

任城南

自愛清遊自愴神  
五千里外獨歸身  
馬嘶平野呼鷹吏  
犬吠寒沙射鴈人  
直北關山初合凍  
近南氣候漸知春  
蒼苔白石梅花路  
長憶驅車魯水濱

魯橋發舟喜賦

幾驛荒程不候鷄  
坐車和夢向南馳  
統辭薛國沿清泗  
已指彭城望下邳  
榆柳無情隨日變  
風霜有力待人知  
二王臺下舡如織  
誰薦香蘋醉一卮

沛縣上漢五項王二臺

秋夜獨立有懷

秋老谿貧獨夜時  
邛枝移榻響蟲飛  
山城鼓疊月生海  
林

屋燈寒風動扉帶  
靈閣雪河人別久  
隔天書札鴈來稀  
忘情亦有難忘者  
黃葉一庭霜滿衣

偶成

初啼山鳥篆香斜  
荏苒明時翫歲華  
三日雨深春在水  
一林烟濕暖生花  
尋盟舊卷鈎簾展  
開禁新醅隔竹賒  
却憶去年歸漸近  
半蓬殘雪上寒沙

壬子元夕

市人啼倦鴉  
當年歌吹稍喧評  
夜風十里滅燈影  
春雪一林寒杏花  
凍凜漸深絨墊戶  
新灘微壯奪鷗沙  
西林樵客同爐炭  
閑試香芳品并茶



陳虛一尊師山房雨後

一片閒心倚石壇  
千峰向背碧當軒  
海門雨氣懸虹影  
洞府香風粲鶴言  
絕艷槿花深映戶  
生紅荔子密圍村  
早知千里移家近  
久辨黃岡十畝園  
黃岡多荔枝

寄鄉信

謠俗儉荒越下州  
西風孤旅倦悠悠  
酒鑪女靜花落樹  
魚市人歸潮滿溝  
鄉夢頻經閨上月  
書題分寄海邊秋  
已期待臘西村畔  
春春在梅花雪映洲

種菊久客遂爾蕪蔓扶植成詩

蕪菊幽灣種  
殊偶然久客遂  
秋蕪旋栽竹朶  
扶枝憊頻

汲泉花救本  
枯曉露漸寒  
覘從否夜風  
微動覺香無  
幾多名品人  
應識倘有良  
工入畫圖

得家信

俗尚難公不取諧  
木陰深處玩蒼苔  
身拋世界終相着  
心怯鄉書重一開  
極目雲天鴉陣黑  
滿林風雨雁聲來  
平生最有看花癖  
何處溪頭發早梅

遇揭曼碩有贈

時特賜其父筍坡貞文先生奉勅立碑

十年相隔忽相見  
猶記書題獨故人  
京闕詩傳多應制  
里門碑建獨榮親  
梅花滿映林扉雪  
柳眼初迎輦路春  
知是高情難去住  
此身誰是自由身

新塗暇步作

松筠色潤翠成圍  
鵝鴨聲多水漸肥  
隔縣販人爭野路  
迎年姪女試新衣  
暖烟黃柳知春到  
殘雪青山伴客歸  
茅屋酒旗隨處有  
悠悠世事儘相違

黃錄醮

道真法力貫穹圜  
靈襟感應杳萬里  
東風人獨立一天  
香霧鶴雙飛  
瑤壇封事披雲徹  
碧海遊仙戴月歸  
格是廣寒新醮罷  
夜來花雨打牕扉

元日

聖主龍飛肇紀元  
野人相賀板扉前  
不知顏色老昨日  
共詫時光勝舊年  
井口杏花春食雨  
墻匡柳蓋暖肥煙  
長溝緩繞風漪綠  
林下烏犍漸受鞭

讀荆公集二首

古來遇合幾君臣  
無奈生為壯世身  
大志本難酬遠業  
諸公同是忌南人  
風高碧藻孤翻翻  
波蕩滄溟獨縱鱗  
每恨孔明參佐劣  
費禕蔣琬儘難倫  
持方試藥詭能醫  
失着推枰却付誰  
東閣招延賓履散  
彤庭撫闕使車馳  
蔣山舊宅僧堪託  
白下新詩柳最知  
宇宙茫茫經世事  
周官今又廢多時

寄智玉成

僧來能說近平安  
密抱陳編獨細看  
每恨故人疎覲易  
無情估客寄聲難  
四窓人寂百虫語  
千里夢回新鴈寒  
心事書題俱草草  
西山幾疊碧雲端

閻皂山福地

兩崖松竹綠蕭蕭  
時聽岩陰響野樵  
鶴信早歸題籙客  
蜂房分綴鍊丹寮  
晉時月在塗源淺  
粵國雲通句漏遙  
仙馭肯忘僑鼎地  
風笙清夜落瓊霄

題墨梅

江北江南春又動  
臘前臘後梅仍花  
三點五點雪孕魄  
一梢兩梢鉄擘極  
枯根健迸石色潤  
半身倒偃溪流斜  
逃禪

老人招不得  
樹穴探環今是卯

題石橋

未許興公知此山  
應真飛錫於其間  
陰凝黑霓落半膝  
夜凍銀河僵一灣  
偃月光通空翠眩  
回風聲靜雨花閑  
山中仙人湫何許  
去鶴三招殊未還

乙丑元旦

村北村南咲語通  
銅鑪香燼蠟燭融  
寒雞四起野霜縞  
清磬一声天海紅  
老大情懷無壯士  
太平田里有東風  
續徑且避河汾手  
只擬新桃亦未工

後正月廿六日有喜

縱橫亂帙翳山家且聽雙松啼乳鴉三日暖風生野色一  
川酥雨入桃花木多山市無人問息重綸音有客誇贏得  
乘閒隨喜去溶溶春水遠平沙

鄒悅道哀詞

八牕九室失般倖善斷無人轉可悲曾就功名遭訖錄竟  
將文字老明時門生定展王通孝旧友誰成郭泰碑無限  
哀悰歎不徹落花如雨暮雲低

自羅源泂溪尋梅得之喜賦

羅源渡畔野梅稀流水油油引步遲曲塢深烟將淡處前  
峰薄雪欲消時槎摧鉄幹綠苔點梢拔氣柔條丹萼歌詠影

談香花定厭迎寒袖手倚疎籬

會吳學士于山水村

仙家山水懋耐葱邊今日重來翰苑僊五百里間星象動一  
千年外畫圖傳梅菴畫於  
聚星亭寒泉會粹書還就敬簡賡酬句倍

鮮不待職方添記註門生語錄已成編

黃氏塵外亭

金華仙子典神謀別有乾坤作勝遊天外客來談太極洞  
中日永對紋楸花香四合島霞曉笙響音一飛山月秋誰道  
蓬萊三萬里一壺元只在街頭

壽吳學士草廬八十

四朝加禮聘車勤又際龍飛沐異恩聖主執經常賜坐大  
官承學盡趨門格天勲業身徐退平地神仙道愈尊春有  
八千鏡八十桃花紅嫩酒盈樽

題金石錄 即雲萍錄

胸中舒卷任閒情塵介何由置重輕虞子自知書可著伯  
夷非待史為名碧雲一夕度歸雁紅雨千林啼晚鶯聚散  
偶然無足計世間甲子又新晴

贈墨者侯生

遠心每計百年寬壯事俄歸兩鬢班周鳳不鳴詩已廢魯  
麟無迹史難刪寒陰十日雨花急長嘯一聲雲影還多謝

侯生墨如漆草堂無字可編攔

庚午上元 是年江西大飢

九野淒涼魂不招又知今夕是何宵叢祠月黑寒鴟聒山  
市烟深臘雪消遺事誰編傳舊俗夢華有記錄前朝一枝  
柏燭熒然處香譜茶經共寂寥

楓陂即事

幾杯殘雪寄遙岑一舸輕嵐並曲潯晴氣貫山虹碧動暘  
光著柳粉黃深衣裳眩路通隣里鼓笛粘燈聒社林左顧  
右瞻忘費日老人態度少年心

黃養浩得水石山有詩自和索余同賦

壺中未識九華奇先讀坡公唱和詩天竺分峰應佛送仇  
池通穴許仙窺拾時山靜雲相伴歸處家遙月共隨書史  
軒牕多勝賞蕙蘭蹊徑換幽規花邊汲井泉頻滌竹下安  
盆几隱擗百匝端相無碩喜四隣驚訝頗成疑家僮習懶  
愁添約野客生貪點欲携已廢朝眠迎露立更疎晚講對  
霞歌人言每事皆為累我謂高情未易知儘見蓬萊幾清  
淺菖蒲遮莫待花遲

知非堂稟卷之六

七言絕句

穆山

臨川何中太虛著

寒雲十里踏沙堤  
斷雁數聲心自悲  
不見悠悠官道上  
前人已遠後人遲

舟夜

拓去蓬窗月滿襟  
蕭蕭驚雁墮哀音  
不知天意何倉卒  
教疊寒雲萬里陰

訪曾士益

釀雪不成雲未闌  
樓危笛裂雁聲殘  
江南江北梅花夢

入空山共苦寒

海棠

真鴻啣子錦川來  
嬌柔紅色數開  
花睡未醒春未透  
半空飛雨暗蒼苔

西嶼

野色山光儘可詩  
倦來把定釣魚磯  
晉成東去唐成晚  
花信無風春自歸

即事

落紅翠疊蒼苔  
古徑無人獨到來  
野蝶山蜂渾不見  
春風更許草花開

江行

悠悠行客漸黃昏  
隔浦人家已掩門  
誰與飛鷗遊海上  
亂鴉無數下西村

雪

天風搖動玉京移  
九野蒼茫竟大奇  
老樹細觀猶似旧  
好山何處不堪疑

我疑玄帝巧鋪張  
萬落千村入混茫  
但得減租寬物役  
何須如許壓遺蝗

前鋒飛霰決雲馳  
後拒猙獰裂地吹  
江上梅羞顏掩玉  
崖邊松老鬢成絲

汲竇烹茶火未殘  
敲詩移烛夜將闌  
征鞍擾々江南北  
似是梅花怨苦寒

清明

墟落無烟草樹昏  
一樽蕭索酌殘春  
吳陵晉廟栖風雨  
那怪荒阡少祭人

夕陽

夕陽盡入笛声中  
兩岸樵漁一水通  
楊柳已疎楓漸落  
黃花渾未識秋風

昨夜

池蛙鼓吹已成癡  
元蟻侯王更自迷  
昨夜孤窗何所似  
三

更風雨五更雞

落葉

當春已惜片花飛  
綠葉成陰事轉非  
啼鳥喚驚人夢覺  
秋風零落葉全稀

独来

黃花自是最難開  
待得開時我独来  
籬落不知天地晚  
何人却採落英回

绝句

山似夫容向晚開  
水如羅帶束林迴  
世間只有閑鷗鷺  
立盡寒空待我来



楊花

萬点楊花倚石開  
千層棕葉下山來  
諸峰盲窅深春綠  
獨自衝煙看几回

次史葯房池上即事韻

萬蕊蜚香百草芽  
簾旌不動柳陰斜  
幽禽還識攔邊客  
曾立東風丈外花

夏日偶成

香透池荷入戶生  
靜如老宿不看經  
一林深綠清風度  
迤出玄蟬長短聲

登高

數峰高聳萬峰低  
看到斜陽意欲迷  
一朵碧雲深淺碧  
殷勤只在數峰西

隨興

路轉林深杳未窮  
林光盡處麥光通  
長安花落朝三殿  
曾有桑麻萬世功

紅雨毯、綠漸深  
萬年芳樹轉春陰  
画梁幽谷誰輕重  
鶯燕啼春覺有心

空香靜牡丹寒  
遠笛聲沉恨未殘  
寂寞繁華今古共  
一溪晴雨倚闌干

對櫻桃

淡、春煙淡、風兩村桑柘翠相通東皇太一功成去熟  
徧櫻桃一樹紅

雨行

手決飛雲未易排幸逢佳樹不相猜數聲急櫓隔林去一  
陣歸鴻衝雨來

秋原

稻花香裏聽潺湲路入高原犢草閑生長太平無所用且  
隨殘照看秋山

小齋獨坐

老蘇朱墨十分工應咲林間遠世蹤翠樹玄蟬秋滿院更

添何處一聲鐘

初春

年華來去野梅識春意淺深沙柳知偶到前村閑指點教  
峰殘雪淡晴時

雨中遣興

萬壑千崖夢寂寥飛淙落澗夜蕭、覺來忽聽兒童說昨  
日榕陰有石橋

來時榴樹絳雲遮今見孟孟墜顆斜莫待鏡中頭盡白開  
情都付粵東花

雙魚容易託飛郵潮水無情上劔州占得千峯深處住門

前溪水更西流

聽雨

山家祇隔面前山  
慣得書題不往還  
秋色定隨連夜雨  
幽花細草滿西灣

題雲烟疊嶂圖

古木蒼蒼定有村  
千峯猶帶雨餘雲  
逢人卻問橋東事  
林外飛流壯幾分

題錢舜舉小景

綠樹深、波渺、書樓高  
映碧峰寒柴門掃  
就無人到未  
能令帝盡看

題觀瀾圖

三間茅屋下書帷  
喬木森、密蔭垂  
萬壑千岩人不到  
靜看山下出泉時

題曾祖說詩集

貫珠編玉粲寒牕  
紅燭搖花省漏長  
斷鴈繞雲飛不下  
數聲瑤瑟起瀟湘

豐城道中

一洲煙氣一洲寒  
沙尾飛鷗勝我閑  
前日西山今不見  
雲來猶自想西山

雪中戲成

我是天仙第一流  
水晶帆跨玉龍遊  
千岩萬壑水壺裏  
神觀清明得自由

題瀟湘秋色圖

瑤瑟無聲水自流  
黃蘆黃葉滿汀洲  
蘋花欲採無尋處  
一片閑情萬古愁

穆山二絕

一陂凝綠倒垂天  
直上層峰積翠邊  
迢遞烟雲三百曲  
水聲徐出石門前  
老木懸寒徑  
撮硝山風刺  
水蕭蕭  
緣源不記梅  
栽處忽  
遇微風在石橋

客來

綠樹陰邊翡翠飛  
咲迎佳客坐書帷  
井華汲就茶烟發  
看罷數峰秋雨時

維揚道中三絕

淮天如水：如秋葉  
漁郎下釣舟北畔  
荷花南畔柳殷勤  
送我到揚州

香霏滿棹渡長溝  
濃著秋光淺著愁  
日暮女郎清唱發  
鴛鴦斜拂柳邊洲

聚柳成村水數洲  
鷗分趁棹歌還今宵  
繫纜知何處好在  
紅菱紫蓼間

無題

玉雪容華翡翠衣  
帽青貼領髮雲飛  
共郎急趁斜陽渡  
不惜黃沙走馬歸

邗溝

衰柳殘荷併慘然  
青山隔岸弄嬋娟  
多情惟有邗溝水  
長送江南過客船

見梅花

水合金河雪暗關  
內家難覓一枝寒  
祇應獨結梅花伴  
水遠山長信意看

微雨

一天微雨濕芳塵  
紅綠相依幾聚春  
家在海棠花下住  
傷心長是未歸人

放舡

晚色重、放客舟  
輕風吹漾落潮流  
林巒盡異來時路  
知是明朝到福州

莆陽歌五絕

兩兩筠籃溫暖烟  
窄衫短鬢裊行肩  
到門迎着郎來早  
行向行頭賣海鮮  
慣得驕馳識妾家  
佛桑庭院繡簾斜  
鏤銀合子檳榔片  
戲噴猩紅散唾花

天妃廟前斜日時女郎歌斷綵鴛飛林花滿地瓜船散城  
裏官人排馬蹄

烏石山前颺酒旗醉來健倒日平西蔡家石刻端明字賣  
與他人作墓題

丞相堂前草暗階尚書池上樹生臺子魚風起秋無格記  
得誰家甲第開

題陳舜卿龍卷

妙舞當年色藝精吳宮宴罷夢難醒早知畫得龍千卷留  
與閑人記草亭

舜卿名俞丙辰進士草亭其自号

送人遊玉笥山

咫尺簫仙玉笥家水香二十四溪霞携書便欲隨君去長  
向雲間掃落花

黃沙道中

深淺紫煙曲塢間杉皮小屋遠幽潺紫苔青石梅花路隨  
處閑看雪後山

山行隨興

暖風吹雨濕平沙遠色疑青草欲芽誰是多情能愛我野  
樵一路臘前花

金石臺前鴉亂飛空濛山影出陰霏野塘水活柳生眼茅  
舍聚人迎婦歸

清江道間阻雨

峰影微昏樹影明人煙深淺水縱橫  
前時逢雪今逢雨長在江南畫裏行

陵雲山房雪中

山寺孤鐘撼曉殘西牕窗外玉珊珊  
開門忘却階前石驚問何人疊雪山

萬頃寒輝貫碧霄一林清響落餘飈  
梅花開就歸時路莫待前山雪盡消

新淦藍步溪

陰靄通烟翠作霏春風入雨暖成泥  
女郎挑菜不知濕調

笑相推乃過水西

無題

喜遇佳期未有期魚目陽不見下春時  
春風好長江南樹長與閑人惜子規

西風

苦夢花開錦換洲野夫容發艷通流  
東風即是西風骨莫向西風誤作愁

喜雨

花事安排趁好晴沙膏新換牡丹坪  
明年何處看花客一夜東牕喜雨聲

題墨菊

橘枳蘭芽玉易瑕商山一出便忘家幾回惆悵梅花別併  
有緇塵到菊花

見棟花開

綠光深淺上憲紗矼雙言應書髮已華年譜他時誰記取一

株紅棟兩年花

酬友人見訪不遇

荷笠深山採藥回荆扉石徑損秋苔花邊稚子相迎說昨  
日有人騎馬來

題趙太祖太宗蹴鞠圖

共戲笙歌聒處春他時井作墜雲身一丸明月樓頭

山人解誤人

荷花

曲沼芙蓉映竹嘉綠紅相倚擁雲霞生來不得東風力終  
作薰風第一花

立春近夜雨達旦

梅花天氣夜尤清得還鄉夢不成知是新春隨雨到四  
窗飛雨作春聲

除夜自封溪歸高淵五首

柳辭殘臘盡初垂麥長平沙綠轉肥寒日漸溫風漸軟隨



山隨水看梅歸  
歸人元自少  
歸情不計程  
期且緩行  
沙步酒旂村  
鼓亂連  
林鳥雀盡  
惟聲

鴛鴦翻雨戲  
迴溪  
路迢迢  
濕翠圍  
隔竹杏花紅  
萬點何  
因知我此時  
歸

鬢鴉橋北試  
春衣濃粉  
深脂閣  
畫眉板閣  
磚爐相聚  
處欣然說着  
看燈時

蟻旋西碛轉  
東源竹掩松  
遮又幾村家  
在江南幽絕  
處千峰帶雪  
繞柴門

豫種登舟作

城南無樹識  
神仙閑往閑  
來四十年西  
岸青山東岸  
塔為誰相對  
老秋烟

象牙潭

水禽兩、樹三  
三近浦遙峰  
隔嫩嵐新換  
一天秋色別  
短蓬又過象  
牙潭

絕句

芝谷山前日  
荷鋤柴門生  
事轉蕭疎放  
翁老去真堪  
笑猶向人前  
說讀書

春風

杏花紅度海  
棠紅綠展平  
沙拂嫩草共  
愛春風猶是  
舊誰

知不是舊春風

自笑

世情多識事多諳長對雲山共笑談  
煮石采芝隨意足憑君莫唱望江南

豐城道中

江村南北咲聲頻紅燭花時次第新  
春水漸生桃葉渡小舟時載嫁婦人

曲江灣處小瀟湘磯柳疎岳鴈落行暫係  
一篷寒淥裏數聲清響夜鳴榔



程